




ARISTOTELES
CRIPPA, BERNARDINO
PIUS V.

**Bernardini Crippae
philosophi in Aristotelis
librum de memoria, et
reminiscentia**

In Aristotelis librum de memoria, et
reminiscentia

apud Alexandrum Benacium
Bologna
1567

books2ebooks – Millions of books just a mouse click away!



European libraries are hosting millions of books from the 15th to the 20th century. All these books have now become available as eBooks – just a mouse click away. Search the online catalogue of a library from the eBooks on Demand (EOD) network and order the book as an eBook from all over the world – 24 hours a day, 7 days a week. The book will be digitised and made accessible to you as an eBook. Pay online with a credit card of your choice and build up your personal digital library!

What is an EOD eBook?

An EOD eBook is a digitised book delivered in the form of a PDF file. In the advanced version, the file contains the image of the scanned original book as well as the automatically recognised full text. Of course marks, notations and other notes in the margins present in the original volume will also appear in this file.

How to order an EOD eBook?



Wherever you see this button, you can order eBooks directly from the online catalogue of a library. Just search the catalogue and select the book you need.

A user friendly interface will guide you through the ordering process. You will receive a confirmation e-mail and you will be able to track your order at your personal tracing site.

How to buy an EOD eBook?

Once the book has been digitised and is ready for downloading you will have several payment options. The most convenient option is to use your credit card and pay via a secure transaction mode. After your payment has been received, you will be able to download the eBook.

Standard EOD eBook – How to use

You receive one single file in the form of a PDF file. You can browse, print and build up your own collection in a convenient manner.

Print

Print out the whole book or only some pages.

Browse

Use the PDF reader and enjoy browsing and zooming with your standard day-to-day-software. There is no need to install other software.


Build up your own collection

The whole book is comprised in one file. Take the book with you on your portable device and build up your personal digital library.

Advanced EOD eBook - How to use

Search & Find

Print out the whole book or only some pages.



With the in-built search feature of your PDF reader, you can browse the book for individual words or part of a word.

Use the binocular symbol in the toolbar or the keyboard shortcut (Ctrl+F) to search for a certain word. "Habsburg" is being searched for in this example. The finding is highlighted.

Copy & Paste Text



Click on the “Select Tool” in the toolbar and select all the text you want to copy within the PDF file. Then open your word processor and paste the copied text there e.g. in Microsoft Word, click on the Edit menu or use the keyboard shortcut (Ctrl+V) in order to Paste the text into your document.

Copy & Paste Images



If you want to copy and paste an image, use the “Snapshot Tool” from the toolbar menu and paste the picture into the designated programme (e.g. word processor or an image processing programme).

Terms and Conditions

With the usage of the EOD service, you accept the Terms and Conditions. EOD provides access to digitized documents strictly for personal, non-commercial purposes.

Terms and Conditions in English: <http://books2ebooks.eu/odm/html/ubw/en/agb.html>


Terms and Conditions in German: <http://books2ebooks.eu/odm/html/ubw/de/agb.html>

More eBooks

More eBooks are available at <http://books2ebooks.eu>

Universitätsbibliothek Wien

I
148.557 A





BERNARDINI CRIPPAE

PHILOSOPHI


IN ARISTOTELIS LIBRVM.

DE MEMORIA, ET REMINISCENTIA

AB EO LATINE REDDITVM

ECPHRASES.

AD PIVM .V. PONT. MAX.



Domus Probi E. J.
Viennae ad S. Anno
1700

Apud Alexandrum Benacium.

BONONIAE.

M D LXVII.

I

148557



Pros. gr. II. 78.

S. SONONIAE.

M D LXVII.

PIO QVINTO PONT. MAX.

BERNARDINVS CRIPPA
S.



ST, sicuti optime nosti, SANCTISSIME PATER mens hominibus tum ad intelligendum, & contemplandum, tum ad ratiocinandum diuinitus tributa. Eius autem natura, et si à cæteris omnibus alia penitus, atq; diuersa est, tamen unum illud cum eis commune habere uidetur, ut ad illorum omnium in se recipendas, & intelligendas species, & formas habilis, & apta sit. Tali uero formarum intellectione, ac receptione quoniam singula quodam modo efficitur, & perfecta redditur, fit, ut, cum ipsas recepit, & intellexit formas, tum per se, ac sua sponte possit & se ipsum, & diuinas mentes, & Deum denique ipsum aliquo modo propter quamdam sibi cum illo similitudinem, atque affinitatem intelligere. Hoc & natura principe, & duce philosophia, proprium, ut scis, PATER optime habetur mentis curriculum; in quo certe qui unquam diligentius, et præclarius, quam tu, suam exercuerit mentem, adhuc co-



gnouimus, aut accepimus neminem. Tu enim ab ineunti
usque ætate, quasi tuæ mentis sentires diuinitatem, ut, unde
illam acceperis, eodem reuocares, atque referres, totam
prorsus ad diuinum cultum contulisti, & addixisti. In
quo uidelicet, ut alacrior, uegetiorq; eset, omni eam optimarum
scientiarum genere, ac rerum notionibus sic im-
buisti, & instruxisti, ut, quantum humana fert conditio,
ueram, perfectamq; mentem reddideris. Ita, cum in se quo-
dam modo uniuersa comprehensa teneat, & ob eam cau-
sam possit per se suum proprium exequi munus, nunquā
ferè cessat, sed tum intelligendo, & contemplando, tum
ratiocinando ad altissimam, & primam omnium uerita-
tem, quæ est D E V S Opt. Max. contemplandam persæ-
pe fese erigit, ac sublimem tollit. At, quia cognitio animæ
est ad uniuersæ ueritatis contemplationem pernecessaria,
quo facilius, atque tutius illam summam Dei altitudinem
aliqua ratione attingere queat, ex aliарum rerum intellec-
tione in sui ipsius perspicientiam crebro fese conuertit,
& contrahit. Quamobrem minime mirum, si tam subtili
indagatione, tamq; perspicaci contemplatione tum natu-
ram, tum uires, & actiones animæ, in qua imaginem quā-
dam conspicis Dei, persequi soleas. Sed, quoniam non suis
omnibus uiribus, & actionibus anima, sed duabus potissimum,
quarum una intelligendi, cognoscendiq;, altera
mouendi est, aliquam sibi esse similitudinem cum Deo de-
clarat, iccirco eorum in primis librorum, in quibus eius-
modi facultates animæ, & actiones pertractantur, lectio
increditi-

incredibiliter tibi probari, & commendari uidetur. Quapropter tua uoluntate adducti librum Aristotelis de motu animalium, & è græco conuersum, & nostris ecphrasibus explanatum nuper ad te misimus. In quo qualis tua de mea nauata opera fuerit sententia, facile intelligere potui, propterea quòd non ingratum tibi fore significasti, si etiam eiusdem authoris librū de memoria, et reminiscencia nostris similiter uigiliis excultum ad omnium studiofornuum usum uideres. Hac mihi tuæ uoluntatis significatione nunciata statim ipsum opus aggressus sum, in quo certe tuum in habendo librorum dele&tu diuinum iudicium nequaquam satis admirari potui. Quid enim huius libri doctrina præstantius? quid fructuosius? quid communis uitæ usui conuenientius? Nam, cum per memoriam præstinas, atque præteritas nostras renouari, & conseruari cognitiones exploratum habemus, nonne absentia etiam memorie ui percipi, & comprehendendi intelligimus, siquidem absentium cōprehensione, ac perceptione omnes proxemodum uitæ actiones, & functiones continentur? Ex quo quis præterea non uidet nos solius memoriae beneficio notias, ac scientias rerum habere, & retinere posse? Cum autem reminiscendo annexamus, & adiungamus præterita præsentibus, quasi illa perpetuantes, & ex uno aliud, tanquam ratiocinando colligimus, an non perspicuum est omne prudentiæ, atq; prouidentiæ, omne industriæ, omne indagationis, & inuentionis munus ex reminiscencia existere? Quid? Ex ea annexione, & quasi perpetuatione

præte

præteritarum, atque præsentium nostrarum cognitionum non ne illam uere unam, simplicissimamq; , & eternam intelligentiam Dei contemplando per similitudinem quādam assequi possumus? Hæc omnia cum & perspectissima ex hoc libro habeas, & omnium philosophantium cognitione esse dignissima censeas, te animaduertisse, quād difficultis, quād inenodabilis sit doctrina ipsa non solum propter abditissima, & occultissima sensa, uerum etiam propter complures mendoſos, ac deprauatos locos, certo ſcio. Quare, ne tuæ piæ uoluntati in re tam præclara pro mea uirili defim, primum sublatiſ marte, ut aiunt, noſtro mēdiſ, locos correxiſ, ac reſtituiſ, deinde philoſophi ſensa ecphrasibus noſtriſ ſic euoluimur, & explicauiſ, ut ferè prorsus aliter, atque alii, & illi quidem grauiſſimi, doctiſſimiq; uiri fecerunt, & ſentientem, & loquentem fecerimus Aristotelem. In quo ſi cuius forte animus offendetur, hunc tua ſumma uelim admonitum authoritate PATER SANCTISSIME, ut noſtrum conatum, & induſtriam cum illorum doctriña, & existimatione conferat, cumq; utramque operam ad peripateticæ ſcientiæ regulam direxerit, tum, quo minus iudicium faciat, nō recuſamus. Non enim certe dubitamus, quin apud talement grauius ſit ueritas habitura pondus, quād cuiuscunq; existimatio, & eo magis, quòd penè infiniti philoſophiæ loci, tanquam ipſius ueritatis fontes ubiq; indiciis quibusdam adhibitiſ, quaſi ob oculos poſti ſunt. Quocirca, ſi etiam in quæſtionibus, & contemplationibus, quas ſuis ſeparatim


paratim locis tractauimus , nos non solum à uulgari phi-
losophantium opinione dissentire, sed etiam recōdita quæ-
dam animæ mysteria ex penetralibus philosophiæ protu-
lisse cognoscet, ad eos locos animum semper ut referat , ne
uissim à ueritate aliquo modo abduci possit, itidem cense-
mus. Ad quā quidem ueritatem sagaciter uenandam, &
indagandam fateor equidem tua singulari, & inaudita sa-
pientia, tanquam aditus mihi patefactos, & ubi ea occul-
taretur, quasi latibula indicata esse . Itaque hunc librum
de memoria, & reminiscentia sic à nobis tua elucubratum
uoluntate ad te in præsentia mittimus , propediem illud
etiam maiorum uigiliarum opus, quod expellas, iuuante
Opt. Max. q DE O missuri. Vale.

INDEX QVAESTIONVM, ET
Theorematum, quæ ad nonnullas huius
libri particulas necessaria uisa sunt.

- QVAESTIO. *Vtrum belluæ usu memoria prædictæ,*
dum aliquid meminerunt, tempus cognoscant. pag. 18
- Theorema. *Memoriæ uim in nulla capitï parte, sed in*
corde locatam esse. 28
- Theorema. *Memoriam esse animæ facultatem uniuersa-*
lia, non autem indiuidua comprehendentem. 29
- Corollarium. *Quid sit obliuio, & obliuisci.* 34
- Quæstio. *Vtrum possit sine ulla re sensibus percepta ali-*
quod phantasma intus in anima formari. 35
- Theorema. *Discere non esse reminisci.* 50
- Theorema. *Quomodo aliud memoria, & aliud remini-*
scentia sit. 73

IN ARISTOTELIS LIBRVM

DE MEMORIA, ET REMINISCENTIA.



PRO OE MIVM.



Vm ^a intellectus diuinus sit, oportet, vt ^b eius proprium munus existat sapere, atq; intelligere. Itaque, quando aliquid intelligit, tum ^c id ipsum, quod intelligit, efficitur, & simul ob eam causam ^d verus etiam rectissime dicitur. Nam ^e sua natura intellectus tantummodo, quid vnumquodque sit, hoc est, rei cuiusque formam, quæ ^f præcipua veritas est, percipit, & comprehédit. Tantum ^g enim singula habent, vt sint, quantum veritatis esse in eis constat. Ad huiusmodi autem intelligendam veritatem, quia magna tum ^h ex nobis, tum ex rebus ipsis obest difficultas, inuentæ sunt scientiæ, quibus, quantum fieri potest, talis difficultatis impedimentum minuatur, atq; tollatur. Intellectus ⁱ enim complexus scientiarum principia, quasi maiorem nactus partem veritatis, quæ ab illis principiis pendet, facile ad id, quod reliquum est contemplandum deducitur. Ex quo ^k finem contemplativis scientiæ esse veritatem perspicue appetet. Itaque, cum eadem veritas rei cuiusq; , vt diximus, natura sit, necessario, aut substantia, aut accidentis est. Quia vero ^l substantia per se extat, accidentis autem nullo modo sine substantia consistere potest, congruentissime illorum naturis factum est, vt sub-

A stantia

- 10. Eth. Nic. c.7.
- 4. de partib. animaliū c.10.
- 1. de anima t.66.
- 2. de aīa t.21
- 3. de anima t. 19. 20.
- 2. de genera-
tione anima-
lium.c.3.
- b
- 10. Eth. Nic.
c.7.
- 4. de partib:
animalium.
c. 10.
- 3. de anima
t. 4.
- 12. p. phīæ. t.
39
- c
- 3. de anima
t.15.19.27.
- 12. p. phīæ.t.
39
- d
- 3. de anima
t.26
- 9. p. phīæ.t.22
- e
- 3. de anima
t.3.6.9.10.38
- f
- 1. de aīa t.2.
- g
- 2. p. phīæ.t.4
- h
- 2. p. phīæ.t.1.
- i
- 1. post.t.21.
- 2. post.t.107
- 6. Eth. Nico;
c.6.
- k
- 2. p. phīæ.t.3.
- l
- 1. ph. t.14.
- 1.de genera-
tione, & cor-
rup. t.12.
- 7.p. phīæ.t.3

m stantia ^m separatim ab omni accidente, ⁿ accidens autem,
 1. post. t. 30. & præsertim proprium non queat sine subiecta substantia
 7. p. phiz. t. 4 intelligi. Quocirca, cum omnis scientia, quæ in demonstra-
 nione vertitur, ^o finem sibi propositum semper habeat,
 1. post. t. 31. cognoscere proprium, ac per se accidens alicuius subiectæ
 1. ph. t. 28. naturæ conclusione comprehensum, profectò eadem scien-
 7. p. phiz. t. 4. tia & illam ipsam subiectam naturam, tanquam principiū
 4. 17. 18. 19. eius per se accidéatis amplexetur, necesse est p. Omne enim
 o subiectum tum natura prius, tum principium eius est,
 1. post. t. 54. quod illi accedit, ac de illo enuntiatur. Itaque, si qualis sit
 §7. 76. aliqua sciētia, summatim explicare volumus, id ex re sub-
 1. de anima iecta, & simul ex eiusdem rei proprio, & per se demon-
 t. 48. strando accidente facere debemus. q Etenim scientia, &
 p res, quæ illi proponitur sciēda, in eorum genere sunt, quæ
 1. ph. t. 52. ita inter se conferuntur, ^r vt alterum ex alterius noscatur
 5. p. phiz. t. 16. notio[n]e. Nos igitur in præsentia exposituri scientiam, quæ
 r de memoria, & reminiscientia ab Aristotele tradita est,
 6. topic. c. 1. qualis illa sit, breuiter prænosse operæ pretium esse duxi-
 loc. 20. mus. Quamobrem & quæ subiecta natura, tanquam prin-
 cipium, & quæ propriæ, ac per se ipsius naturæ affectiones
 demonstrandæ, tanquam finis propositus, sint, videre opus
 est. Id autem facilius erit, si ab affectionibus initium fe-
 cerimus, propterea quod vbiunque propriæ, ac per se a-
 liciuius rei affectiones ponuntur, ibidem & res ipsa nece-
 ssario ponendi debet; quia omnes affectiones re sibi subiecta
 sunt natura posteriores, & sine illa neque esse, neque in-
 telligi possunt. Vnde, cum in huiusc libri principio philo-
 sophus clarissime, apertissimeq. proponat de memoria, et
 f reminiscientia, seu de eo, quod est meminisse, ac reminisci,
 1. de animali hist. c. 1. sibi agendum esse, dubium minime est, quin animalis natu-
 huius lib. t. ram, cui soli, vel memoria seorsum, ^s vt in cæteris plerisq;
 Ecph. 15. animalibus, vel memoria simul cum reminiscientia inest, vt
 t 1. post. t. 47. in homine, hæc scientiæ pars habeat subiectam. Nam ex
 66. 68. prin

principiis naturæ animalis omnes hic perficiuntur demonstrationes. Cum u[er]o autem hæc breuis scientiarum tum ex re subiecta, tū ex affectionibus collecta prænotio esse admodum necessaria videatur, iure in cuiuscunq[ue] scientiæ principio statim, & quid affectionum nomine significetur, & y[ea] quòd natura illis per se subiecta existat, simulque vel positione, vel diuisione quid eadem sit præcipi oportet. Et enim positione, atq[ue] diuisione idem propemodum efficitur, & siquidem quæcunque diuisio probare debet, ea particulatim ponere, ac sumere consuevit. Neque vero est, quòd nunc moueamur, si philosophus nec subiectam animalis naturam vlo modo posuerit, neque quid nomen memorie, atque reminiscientie significet, vspiam hoc in libro explicarit. Quia enim horum vtrunque A per se notū est, id facere quidē ineptum, atq[ue] superuacaneū fuisset. Cū autem ob conficiendam affectionum demonstracionem explicatio subiectæ naturæ nullo pacto in scientia B prætermitti possit, sciendum est, summo, diuinoque iudicio eam in hoc libro, qui est vna scientiæ de animalibus pars, minime positam esse, quandoquidem ex superioribus huius ipsius scientiæ libris, in quibus & omnium corporis partium, & vniuersæ animæ doctrina exponitur, plene, ac facile deponitur. Quare, vt, vnde digressi sumus, reuertamur, & animalis naturam subiectam, tanquam principium, & memoriam, atque reminiscientiam eiusdem naturæ per se affectiones, tanquam finem, esse propositas huic scientiæ ad cognoscendum perspicuum est. Quocirca ab iisdem affectionib[us], vt à proprio fine inscriptio libri optime sumpta esse videtur. Ad C quod enim tanquam ad suum finem spectat, & peruenire debet, ab eo quamque rem nominari conuenit. Sic igitur à scientiæ fine inscriptiones librorum constituenda sunt. In quo tamen animaduerti debet, quòd, si ex demonstratione, D cuius finis est conclusio,

U	
1.	post. t. 2.
x	
1.	post. t. 73.
76	
y	
1.	post. t. 14.
75	
2.	post. t. 15.
6.	p. phia t. 1
z	
1.	prior sec.
2.	c. 3.
2.	post. t. 23.

A
I. post. t. 76.

B	
2.	post. t. 15.
6.	p. phia t. 1

C
5. ph. t. 4.48.
2. de aia t. 49

D
1. de aia t. 48

scientia constat, ut modo diximus, rei subiectæ affectio statuitur finis. Si uero potissimum ex definitione, cuius finis est eiusdem substantiæ perspectio, & contemplatio, ipsam etiam subiecta substantia existit finis, & ab ea etiâ iecirco inscribendi sunt libri. Id quod in omnibus principiorum scientiis, sicuti in libris de cœlo, de partibus animalium, & de anima præclare factū esse apparet.

E Cœlum enim elementum, & principium uniuersi, partes autem corporis, & anima animalium principia sunt. Nunc autem, quoniam

F 3. de cœlo. t. 1.
1. meteo. c. 3.

I 1. de aia. t. 2.
2. de aia. t. 4.

G 1. de animalium hist. c. 6.

lib. de sensu,
& sensib. c. 1

H 3. ph. t. 15.

plures, atque inter se diuersæ existunt animalis affectiones, quarum aliae priores, aliae posteriores natura sunt, par-

certe fuit, ut scientia in iis explicandis sic cum natura, quæ omnibus est causa ordinis, congrueret, ut quæ primæ sunt

affectiones, primo loco quæ secundæ, secundo loco, & ita deinceps ordine ex animalis expositis principiis tractaret, ac demonstraret.

Quamobrem, ut ab huius scientiæ de animalibus initio cognoscatur doctrinæ ordo cum naturæ ordine perpetuo conuenire, minime nos præterire oportet,

quod plurimæ in animalis natura extant affectiones, quarum aliae omnium animalium cōmunes, aliae propriæ qua-

rundam separatim specierum sunt, sic tamen, ut ambæ communes animæ cum corpore habeantur. Quare etiam ex animalium utroq; principio, id est, ex anima, & corpore demonstrationes illarum suis locis confici debent. Cum

igitur plerisque hominibus pleræq; animalium affectiones obscuræ, & ignotæ sint, necessario in huius scientiæ principio, quid earum nomine significetur sumendum fuit.

Quod quidem, nisi prius posita fuissent corporis partes, (quamuis in homine præsertim, & in aliis nonnullis animalibus notæ essent) haudquam propterea quod in illis existere affectiones videntur, fieri potuisset. Talis au-

tem corporis omnium partium positio, & commemora-

L 1. de animalium hist. c. 6

lum

explicatio, & ipsarum affectionum explicatio nouem de anima-

lium

lium historia libris plenisime comprehenditur. Ut autem ex naturæ subiectæ principiis, atque ex propriis causis demonstrari affectiones quæat, deinceps, animalis principia, hoc est partium corporis, M quod instar materiæ est, & animæ natura, quæ est forma, uberrima explicatione tractantur, & primū quidem singillatim partes corporis, N quia subiectum est, quatuor de partibus, & vno de ingressu animalium libris, deinde aliis tribus oīs complectitur animæ uis. Hac autem tota doctrina principiorum, quibus animal cōstat, percepta, & cognita, sequitur, vt ex iisdem principiis communes animalium affectiones suis demonstrationibus perspicuæ reddantur. Earum sanè prima omnium est, qua animal constituitur animal. Talis videlicet sensus est, quippe quòd O animal, simul atque vim, & facultatem sentiendi naētum est, incipit animal esse. P Quia vero sensus bipartitus est, unus interior, simplex, & principium, alter exterior, multiplex, & ab interiore pendens, uterque sic à natura est institutus, vt partim inter se conueniant, & iungantur, partim discrepent, & dirimantur. Conuenient quidem, quoniam neque exterioris actio ulla stabilis, ac firma esse potest, Q quæ non ad interiore pertineat, & perueniat, neque interioris, R nisi exterioris aliqua prius extitisset. Discrepant autem, quòd interior suum persæpe exequitur munus, nihil prorsus, quod ad tale munus spectet, S exteriore agéte, præterea exterior externa tantummodo, T quæ præsentia sunt, percipit, & ea proprie sentire, interior autem, V quæ intus in anima continentur, nouit, & illa, si iam præteriorunt, meminisse, aut reminisci dicitur. Ex quo, quatenus istæ sensuum actiones inter se distinetæ sunt, atque diuersis nominibus appellantur, separatim in scientia iure optimo tractantur. Itaque, cum sensus exterioris actio tempore prior sit, & notior, quam interioris, recte post scientiam de anima continuo exte-

riorum

M	
2.	de aīa. t. 45
N	
3.	p. phie t. 16
O	
2.	de partib.
	animalium. c. 1:
2.	de aīa. t. 16
3.	de aīa. t. 67
2.	de gener.
	animalium. c. 3:
P	
2.	d aīa. t. 145
	usq; ad t. 150
3.	de aīa. t. 31
32	
Q	
1.	de aīa. t. 64
2.	d aīa. t. 145
	usq; ad t. 150
3.	de aīa. t. 31
32.	
lib.	de motu
	animalium. t.
Ecpb.	22
R	
3.	de aīa. t. 33
S	
2.	d aīa. t. 153
156	
3.	de aīa. t. 33
	huius lib. t.
Ecpb.	2
T	
2.	de aīa t. 59
60.	
V	
3.	de aīa t. 31
33.	
	huius lib. t.
	t. Ecph. 4. 5.

riorum sensuum doctrina uno de sensu, & sensibilibus exponitur libro. Quem quidem librum tractatio, atque cognitio haec interioris, communisque sensus, quo animal preterita sentiendo meminit, ac reminiscitur, iure tum naturae, tum scientiae subsequitur. Ut igitur eandem tractationem quasi uno mentis obtutu totam facile conspicere queamus, breuiter, quae ratio, & qui modus in illa tradenda sit seruatus videamus, velim. Sunt, ut ante dictum est, memoria, & reminiscetia affectiones per se animalis, ideo scientiae vis postulat, ut definitione, seu demonstratione (idem X enim in accidentibus definitio, & demonstratio valet, quamvis enuntiandi modo inter se differant) utraque ostendatur. Verum, quia id effici, nisi sumatur natura, in qua primo insunt, non potest, necesse est, ut in ipsarum explicationem ea animae pars, quae illis primo subiecta est, adhibeatur. Hac autem animae parte talibus facultatibus praedita qm agimus interdum, id est meminimus, aut reminiscimur, propterea cuius causa animal meminit, & reminiscitur, deinceps necessario declaratur. Y Omnis enim agens alicuius gratia agit. Itaque in tres praecipuas partes totam hanc doctrinam esse distributam video, in proximum, quo res ipsa scienda, & modus sciendi proponitur, deinde in memoriae, quae latius patet, & prior est, quam reminiscientia, tractationem, & explicationem, tum in reminiscientiae investigationem, & contemplationem; ac rem quidem sic se habere tota iam ipsius scientiae notitia nobis plenam faciet fidem.


X
1. post t. 64.
2. post t. 67.
45

Y
6. Eth. Nico.
c. 2.

IN ARISTOTELIS LIBRVM⁷

DE MEMORIA, ET REMINISCENTIA.

E C P H R A S E S.



ARISTOTELES.



E Memoria autem, & de eo,
quod est meminisse , dicen-
dum, quid est, & propter quā
causam sit , & cui particulare
rum animæ hæc accidit affe-
ctio, & ipsum reminisci. Non
enim iidem sunt , in quibus
memoriae , & in quibus reminiscientiae uis inest ,
sed plerunque plus quidem memoria tardi, remi-
niscientia autem plus celeres , & dociles valent.

E C P H R A S I S I.



O r̄a hæc scientiae pars constituta est, pri-
mum ut memoria , & meminisse , deinde ut
reminiscientia, ac reminisci planè explicetur.
Quare opus quidem esset, ambo, quia cuius-
dam animæ partis sunt habitus per se, & affe-
ctiones, de mōstratione cognoscere. Verū, quia ^a definitio
principium demonstrationis est, & ^b ab ea solum enunzia-
tionis terminazione differt , ac propterea in ^c accidentibus
idem,

^a 1. post. t. 14.
64

^b 2. post. t. 14.

46

^c 1. post. t. 64.
2. post. t. 45.

46

^c 2. post. t. 6, 7.
45

idem, quod demonstratio, significat, optime, quid memoria, & quid reminiscensia sit, definitione potissimum ostenditur. Cum autem nullus per se habitus, vel affectio sine natura, in qua primo inest, d neque definiri, neque demonstrari possit, recte factum est, ut, quae sit ea pars animæ, e quæ primo memoria, ac reminiscensia subiicitur, querere, & inuenire oporteat. Nam memoria, & reminiscensia esse deinceps in pluribus dici possunt; etenim & in animali, & in anima, & in aliqua præcipua parte animæ dicuntur esse.

d 1. post. t. 31. 57. 66. 68.
1. ph. t. 29.
7. p. phis. t. 17
e 6. topic. c. 2.
loc. 46.

f 6. eth. Nico.
c. 2.

g 3. p. phis. t.
12.

h 2. de partib. hebetes, tardique homines, in quorum animis propter aialium. c. 2.
i h crassum, spissumque sanguinem, ac i cordis duritiem al-

j 3. de partib. tius defiguntur, & expressius informantur, atque firmius aialium. c. 4. retinentur rerum phantasma, maiorem memoriam, minorem vero reminiscensie vim obtinere solent. Contra autem celeres, ingeniosi, & dociles, quamuis ob sanguinis tenui-

k 2. de partib. tatem, & puritatem, ac cordis mollitatem leuiores, tenuioresque excipiant phantasmatum impressiones, tamé, quia ob k eam causam ingeniosiores, promptiores, & ad ratio-

aialium. c. 4. cinandum

cinandum, atque ad aliquid inuestigandum, & inueniendum faciliores, acutioresque sunt, minus quidem memoria, plus autem reminiscientiae facultate pollere conspiciuntur.

ARISTOTELES.

PRIMVM igitur considerandum, qualia sunt, quæ memoria comprehendendi possunt. Sæpe enim hoc fallit. Neque enim contingit meminisse futurum, sed est opinabile, & sperabile, (esset autem etiam scientia quædam rei sperabilis, quemadmodum nonnulli aiunt diuinationem) neque præsentis, sed sensus: eo enim neque futurum, neque præteritum cognoscimus, sed præsens solum, memoria autem præteriti est. Præsens autem, quando adeat, ut hoc album quando videt, nemo diceret meminisse; neqne id, quod contemplatione tractatur, contemplans, & intelligens, sed illud quidem sentire dicit, hoc autem scire solum. Cum autem sine operibus habuerit scientiam, & sensum, sic meminit angulos trianguli, quod duobus rectis æquales, tum quod didicit, vel contemplatus est, tum quod audiuist, vel quod vidi, vel aliquid huiusmodi. Semper enim, cum in circulo agit, quia meminit, sic in anima dicit, quod prius hoc audiuist, vel sensit, vel intellexit. Est igitur memoria neque sensus, neque existimatio, sed horum

B alicuius

10 D E M E M O R I A ,
alicuius aut habitus , aut affectio , cum effluxerit
tempus . Ipsius autem nunc in ipso nunc non est
memoria , quemadmodum est dictum . Est enim
præsentis sensus , futuri spes , præteriti autem me-
moria . Quapropter post tempus omnis memo-
ria . Itaque quæcunque tempus sentiunt , hæc sola
ex animalibus meminerunt , & eo , quo sentiunt .

E C P H R A S I S I I .

C A V S A proxime est exposita , cur de memoria seor-
sum , & reminiscientia agendum sit . Cum igitur memoria
latius pateat , & tum natura , tum tempore prior sit , quæm
reminiscientia , iure initium doctrinæ ab illa fieri debet . In
quo quidem initio , quoniam memoria est cuiusdam partis
animæ affectio per se , & uis quædam ad cognoscendum
data , ut eius coimode possit explanari natura , diligenter ,
quæsit ea pars animæ , in qua primo per se inest , inuesti-
^a gare , atque perspicere conuenit . Id autem multo facilius ,
1. ph.t.2: multoque melius faciemus , si ab iis , quæ per memoriam ab
1. de partib. eadem animæ parte cognosci , comprehendique possunt ,
aialium. c.1: b exordiemur . Ita enim tanquam ^a ab his , quæ nobis notio-
2. de aia.t.33: c ra , & perspectiora , ^b ac ratione priora sunt , ad ea , quæ
2. de anima natura magis cognita habentur , doctrinæ ratio progres-
t. 57. 58. 59. 60 sum faciet . In primis igitur nobis exploratum sit , omnem
3. de anima nostram cognitionem , ^c quia mutatio quædam ad perfe-
t. 28. d ctionem est , necessario & ^d cum tempore esse , & ^e tem-
4. ph. t.129. poris differentiis distingui . Sed , cum ^f tempus in præteri-
6. ph.t.50. t. 3. de aia.t.22 f tum , instans , & futurum distribuatur , etiam cognitionem
4. ph:t.121. nostram aut præsentium , vel tanquam præsentium , (vt
eorum , quæ necessario futura sunt , quorum principia , &
causæ

causæ in præsentia noscuntur,) aut præteriorum , aut futurorum esse . Ac præsentia quidem , si exterioribus percipiuntur sensibus , & extra , & individua sunt , si autem mente , aut interiori sensu communi , intus in ^b anima , tanquam vniuersalia , sicuti etiam præterita , semper continentur , futura vero , si necessaria non sunt , extrinsecus semper aliquo accipiuntur modo . Harum autem cognitionum certissima , & summissima habetur ea , qua præsentium est , huic proxima , quæ præteriorum , omnium tenuissima , & incertissima , quæ futurorum . Etenim , quæ futura sunt non necessaria , ⁱ vix aliqua hominum certa cognitione comprehendendi possunt . Cum igitur tria esse apparent genera eorum , quæ in aliquam animalium notitiam cadunt , cuiusnam generis sint , quæ ad memoriarum notionem spectent , videamus , oportet . Fit enim , ut homines in his internoscendis grauiter nonnunquam errant , & decipientur . Nam futurum nullo certe modo per memoriam cognosci potest , propterea quod aliis quibusdam duabus animarum viribus inter se iunctis , quæ sunt opinio , & spes , cognoscitur . Quod autem opinio , & spes societate quadam iungantur , ex eo facile intelligitur , quod ^k opinio est ex quibusdam ipsius compositi affectionibus , & signis animo conceptis , quæ tamen fallere possunt , cognitio quædam rationis , spes autem rei futuræ corroborata opinio . Quocirca , si his animarum viribus , quæ ab aliis distinctæ sunt , futurum noscitur , profectò consentaneum est , ut ^l id ipsum etiam à præsenti , & præterito , quatenus cognosci possunt , discrepet , atque diuersum sit . Vnde proprio quoque cognitionis nomine sperabile , & opinabile solet appellari . Eiusdemq . , ut sperabile est , scientia quædam , qualem esse diuinationem nonnulli asserunt , tradi posset , quæ quidem , quatenus per somnium constituitur , in his , quæ post tractabuntur , demonstrabitur . Multo autem minus fas est , memoriam esse

g
2. de anima
t. 59.60.
h
2. de aia t. 60
3. de aia t. 9.
10.30. usque
ad t. 40.

i
1. de genera-
tione , & cor-
rup. t. 64.

k
1. post. t. 196
7. ph. t. 19.
2. d. aia. t. 157

l
c. Eth. Nico-
c. 1.

m
 I. post t. 192.
 2. de aia t. 60.
 7. p. phia t.
 35.
 n
 3. de anima
 t. 32. 33.
 o
 3. de anima
 t. 39.
 p
 2. de anima
 t. 154.
 3. de anima
 t. 1. 5.

rei præsentis asseuerare, siquidem ^m præsentis proprius est sensus. Hoc enim neque futurum, neque præteritum, sed præsens solum cognoscere, atque percipere licet. Quod quidem præsens, si extra fuerit, à quoiam externorum sensuum, si vero intus in anima, aut ⁿ ab interiori communi sensu, aut à ratione comprehendetur. Quare reliquum est, ut tantummodo præteriorum memoria sit. Qualia vero ista præterita existant, nunc esse considerandum videtur. Nanque, cum quis hoc album exempli gratia, quod est præsens, videt, & quipiam contemplatur, atque animi intelligentia complectitur, ^o (quod videlicet sine præsenti phantasmate fieri nequit;) is nullo pacto neq; eiusmodi album, quod tum videt, neque illud, quod eo tempore contemplatur, & intelligit, meminisse, sed unum sentire, alterum scire solum dicitur. Cum autem aliquo temporis spatio, postquam & viderit, & contemplatus fuerit, & intellexerit, sine operibus, id est, sine sensione, & contemplatione, atque intellectione reuocauerit, ac tenuerit illum pristinum sensum, & pristinam illam sciétiam, (quod nimirum nihil aliud est, nisi contueri phantasma, ut imaginem eius rei, quam prius sensit, & contemplatus est, & intellexit,) tūc sic meminit verbi gratia angulos trianguli e- quales esse duobus rectis, dum intuetur phantasma, tum quia rem ipsam ante didicit, vel contemplatus est, tum quia vidit, vel audiuit, vel alia eiusmodi ratione cognovit. Semper enim, cum in memoria versatur actione, atq; vsu, & rei meminit alicuius, se prius eam rem audiuisse, vel aliquo modo sensisse, vel intellectu animo secum, & cogitatione reputat, atque dicit. Quamobrem ea possunt per memoriam ab anima comprehendendi, que prius aut sensu, aut ratione, & intellectu percepta fuerint. Ex quo manifesto constat memoriam, neque sensum, neque existimationem, hoc est, p neque prorsus intellectum, aut quo contem-

contemplamur, aut quo ratiocinamur, aut quo prouide-
mus, aut deniq; quo opinamur. sed, quia per illam ea per-
cipiuntur quæ prius aut sensimus, aut intelleximus, necesse
est, vt ipsa sit, vel habitus, vel affectio, (quæ q; hoc loco idē
significat,) sensus, vel intellectus, postquam temporis ali-
quid effluxerit. Quæ vero nunc, seu in tempore instanti
sunt, sunt, & cognoscuntur, nunc, siue in eodem instanti
nequeunt, vt dictum iam est, per memoriam comprehen-
di. Nam præsentis cognitio ad sensum, futuri ad spem, præ-
teriti ad memoriam suapte natura est accommodata, atq;
attributa. Ex quo memoriam omnem esse post aliquem
temporis fluxum perspicuum est. Quapropter illa solum
animalia, quæ tempus sentiunt, & cognoscunt, meminisse
possunt, & ea parte animæ, in qua sentiendi, non autem in-
telligendi vis inest. Id autem cur sic se habeat, causam de-
inceps considerare aggrediamur.

q.
s. p. phis. e.
25. 26.

ARISTOTELES.

QVONIAM autem de phantasia dictum est
prius in iis, quæ de anima, etiam quod intelligere
non est sine phantasmate. Accidit enim eadem
affectio in intelligendo, quæ etiam in aliquam fi-
guram describendo. Nam & ibi, cum nulli nobis
usui sit, quod quantum sit definiti trianguli, ta-
men describimus definitum secundum quantum,
& intelligens eodem modo, etsi non intelligat
quantum, ponit ob oculos quantum, intelligit au-
tem, non vt quantum. Si autem natura sit quan-
torum, indefinitum autem, ponit quidem quan-
tum

tum definitum, intelligit autem ut quantum solum. Quam igitur ob causam non contingit intelligere neque sine continuo, neque sine tempore ea, quæ non sunt in tempore, alia tractatio. Magnitudinem autem necessarium est cognoscere, & motum eo, quo & tempus, & phantasma est communis sensus affectio. Quare perspicuum, quod primo sensituo cognitio horum est. Memoria autem, quæ est intelligibilium non sine phantasmate est. Quapropter eius, quod intelligitur, per accidens esset, per se autem primi sensitui. Itaque & aliis quibusdam animalibus inest, & non solum hominibus, & habentibus opinionem, vel prudentiam. Si autem intellectuarum particularum esset, non inesset multis aliorum animalium, fortasse autem nulli carentium ratione, quoniam neq; nunc omnibus, propterea quod non omnia temporis sensum habent. Semper enim, cum agit memoria, (sicuti & prius diximus) quod uidit hoc, vel audiuit, vel didicit, sentit præterea, quod prius; prius autem, & posterius in tempore sunt. Cuius igitur particularum animæ sit memoria, patet, quod cuius & phantasia, & ea sunt, quæ per se memoria percipi possunt, quæcunque phantasia tractari queunt, per accidens autem, quæcunque non sine phantasia.

E C P H R A S I S III.

E a solum, quæ præterierunt, & aliqua priore, vel sensu, vel intellectus cognitione percepta fuerunt, posse memoria comprehendendi declaratum est. Ex quo, quia memoria neque sensus, neque intellectus est, se qui uideatur, vt alterutrius istorum necessario aut habitus quidam, aut affectio esset. Quoniam autem posuimus eam non intellectus, sed sensus affectionem esse, quomodo, & qua de causa res sic se habeat, nunc indagemus, atque disciamus. Primum igitur, quæ in scientia de anima sunt de phantasia, ac ratione intelligendi tradita, atque præcepta, nunc ea pro compertis, & repetitis habeamus. Tunc enim a &phantasiam esse motum à sensu, qui in suo actu sit, & b ab eadem in anima formari phantasmata, & sine c his nihil posse intelligi demonstratum est. Nobis enim, dum aliquid intelligimus, & contemplamur, eadem animi affectio contingit, quæ geometræ in quapiam describenda figura contingere solet. Ut enim geometra, d cuius scientia, atque contemplationi intelligibilis quanti natura subiicitur, descripturus, demonstratusque triangulum, quamuis in demonstrando nullam ducat rationem alicuius certi, definiti, atque sensibilis trianguli, sed ad universale, & intelligibile animum intentum teneat, tamen aliquod triangulum quanto sensibili definitum describere, & ob oculos ponere necessario cogitur, sic etiam intelligens, ac contemplans, etsi e solas rerum formas sine ulla materiei, & quanti proprietate intelligit, & contemplatur, tamen in illis intelligendis, & contemplandis f quopiam phantasma, in quo est materiae, & quanti similitudo, ante mentis oculos sibi proponat, necesse est. & id quidem etiam si contemplatio non phantasmatis causa, sed specie,

- a 2. d aia. t. 161
- b b 2. d aia. t. 155
- c c 3. de aia. t. 30
- d 32. 39.
- d 1. post. t. 101
- e 7. p. phiz. t. 35. 39.
- f 8. p. phiz. t. 15 16
- g 13. p. phiz. c. 3

- e 3. de aia. t. 3.
- f 9. 10. 32. 38.
- g 39.
- f 3. de aia. t. 32
- g 39.

ciei, quæ in phantasmate est, suscepta sit. Si uero ille ipse aliquani contemplaretur naturam, quæ esset species quædam indefinita quanti, veluti est linea, superficies, aut aliud eiusmodi, proponeret quidem sibi in phantasmate similitudinem alicuius definitæ, & indiuiduæ lineæ, uel superficie, sed tamen vniuersalem tantummodo lineam, aut superficiem, non autem illam definitæ, & indiuiduæ similitudinem in phantasmate inclusam, intelligeret, & contemplaretur. Cum igitur nulla res, quæ magnitudini iuncta sit,

g
8. ph. t. 86.

l
12. p. phic.
t. 30. 41.

h

4. ph. t. 117.

120.

1. de cœlo. t.
100.

i

12. p. phic.
29. 30. 38.

k

3. ph. t. 70.

4. ph. t. 99.

113.

5. p. phic.
18

sine phantasmate, per quod magnitudinis similitudo refertur, intelligi possit, si quis esse quærendum putaret, cur diuinæ mentes g quæ & ab omni materia, ac magnitudine liberæ, h & extra omne tempus sunt, nequaquam sine motu, qui in orbem cietur, & propterea continuus, perpetuusque est, neque sine tempore intelligere licet, is in primam i philosophiam, cuius hæc contemplatio propria est, reiiciendus eslet. Ut autem ad institutum redeamus, quoniam magnitudinem k motus, motum autem semper consequitur tempus, necesse est, ut eadem animæ parte, qua tempus cognoscimus, etiam magnitudinem, & motum cognoscamus. Hæc autem tria ita se deinceps consequuntur, vt vnum alterius quasi materia sit. propterea cum copulata cognoscuntur, quia sic sensibilia sunt, necessario ex eorum cognitione in cōmuni sensu phantasma ingenerari oportet. Quapropter eorū cognitionem, atque comprehensionem esse communī sensui, qui est principium sentendi, assignandam, facile intelligi potest. Itaque, si cum memoria tempus vna cognoscendum est, dubium certe nulli esse debet, quin memoria habitus, & affectio communis sensus existat. Qua quidem si nonnunquam ea etiam, quæ intelleximus, contemplatiq[ue] sumus, meminimus, id accidit, quia species, quæ intelliguntur, in phantasmatis, quorū m per se memoria est, inclusæ conduntur

tur, intellectusq. in phantasmatibus species intelligit semper. Quamobrem potest memoria per phantasma esse etiam rei, quæ intelligitur, per se autem, & sua natura in ea parte animæ, quæ est sentiendi principium, primo consistit, atque tenetur. Quocirca non solum in hominibus, qui intellectus ope vim & opinionis, & prudentiae habent, sed etiam in aliis quibusdam animalibus intellectu carentibus inuenitur memoria. Quæ si propria esset intellectus, vel quo contemplamur, vel quo ratiocinamur, vel quo alia quacunque ratione agimus, nunquam certe multis aliis animalibus intellectus omnino expertibus inesset; fortasse autem neque illorum alicui, quoniam neque nunc in omnibus esse cognoscitur; propterea quod memoria semper aliquam temporis notitiam sibi adiunctam habet, cetera vero animalia præter hominem non omnia sensu, atque cognitione temporis prædicta sunt, ut muscae, vermes, & alia id genus imperfectiora. Semper enim, ut antea quoque dictum est, cum memorie actione vtimur, atque meminimus nos vel vidisse, vel audisse, vel didicisse aliquid, simul insuper sentimus, quod prius aut vidimus, aut didicimus, m prius autem, & posterius in temporis natura sunt. Quo igitur pacto, & qua de causa memoria non intellectus, sed communis sensus, in quo etiam phantasie operatio in formandis phantasmatibus uersatur, sit habitus, seu affectio, prætereaq., quod per se, ac sua natura memoria comprehendendi possunt, quæcunq; sub phantasie complexu cadunt, non per se autem, sed uti extranea phantasmatum, quæcunque species intelligibiles sunt, quæ sine phantasia concipi animo nequeunt, hactenus declaratum est. Itaque, quid memoria sit, in promptu est, cuius autem causa animalibus illius usum tribuerit natura, deinceps uideamus.

m
4. ph. t. 101.
115. 129. 131.
12. p. phig. t.
29.

3. de anima
t. 32. 19.

*Quæstio. Vtrum belluae usu memoria præditæ, dum
aliquid meminerunt, tempus cognoscant.*

Sed primum, quia nunc non solura hominem, verum setiam alia pleraque animalia rationis expertia vsu memoriae valere, & temporis cognitionem habere acceptimus, quærendum esse censemus, nunquid animalia ratione carentia, quæ natura meminisse possunt, cum memoria vtuntur, tum tempus simul etiam cognoscat. Nam quispiam fortasse nonnullis adduceretur rationibus, ut nullam esse in belluis temporis cognitionem existimaret. Earum autem rationum hæc vna est, si belluae tempus cognoscerent, necessario tempus aliquo sensu perciperetur, sed tempus nullo prorsus percipitur sensu, ergo belluae tempus minime cognoscere possunt. Quod autem id verum sit, quod primo loco sumptum est, patet, quia ^a omnis belluarum cognitio sensibus constituitur, & continetur. Quod vero oppositum consequentis, hoc est, quod tempus nullo percipiatur sensu, extra omnem controvèrsiam putari debeat, ex eo intelligi potest, quod tempus nulli sensui, ut proprium sensibile subiicitur; neque enim visibile, neque odorabile, neque auditibile, neque tangibile, aut gustabile re vera est. Sed neque pluribus communiter sensibus esse subiectum censeri oportet, ^b quinque enim duntaxat communia sensibilia sunt, motus, quies, figura, magnitudo, & numerus. Alteram autem formabimus rationem ex quibusdam, quæ nobis explorata esse ante omnino debent. Primum autem illorum est, quod ^c prius, & posterius in eorum numerantur genere, quæ ad aliqui laiud referuntur; secundum, quod ^d hæc, quæ mutuo inter se se conferuntur, ^d omnium generum tenuissime, atque minimæ naturæ sunt, quin etiam alicuius aliorum generum semper

^a 2. de anima

t. 152.

3. de anima

c. 60.

1. p. phis c. 1

^b 101. 7. 11. 11.

. 111. 21. 11.

. 211. q. 11.

b

2. de anima

t. 64. 133.

^c 5. p. phis t.

20

d

1. Eth. Nic. c. 6

14. p. phis.

c. 3

semper affectiones, & quasi appendices quædam existunt. Tertium, quod istorum natura propter eius tenuitatem, & exilitatem, & quia etiam accidentium, atque sensibilium affectio est, omnino sensuum effugit notitiam, solaq. ratione comprehenditur. Ex his igitur huiusmodi conficitur ratio; quæ ad aliquid aliud referuntur, ut talia sunt, non sensibus, sed sola ratione percipiuntur, prius, & posterius inter se referuntur, ergo prius, & posterius, ut talia, non sensibus, sed ratione sola percipiuntur. Cum autem rationis partes sint fulta illis verissimis, ac firmissimis positionibus, sit etiam, ut conclusio firmissima, verissimaq. haberi debeat. Quare absurdum esse videtur, asserere à belluis, quæ rationis prorsus expertes sunt, dum aliquid meminerunt, prius, & posterius, e ex quibus tempus conflatur, cognosci, atque sentiri. Est præterea huic stabilendæ, confirmandæq. sententiae grauissimus testis philosophus ipse, qui ^f negat tempus ullo pacto esse posse, nisi esset anima rationis particeps, quæ numeraret, ac distingueret prius, & posterius, & alioq. loco planissime testificatur etiam, illa tantummodo animalia, in quibus cupiditas cum ratione pugnat, habere temporis sensum, & cognitionem; quasi in quibus temporis notitia sit, in iisdem quoque esse rationem significaret, & affirmaret. Attamen hic vidi mus, atque intelleximus non solum ab homine, sed à multis etiam aliis animalibus ratione penitus uacuis, quando posterius meminerunt se prius sensisse, vel fecisse aliquid, tempus necessario sentiri, atque cognosci. Quod quidem ita esse, et si permultis exemplis confirmari, corroborariq. potest, tamen paucis in præsentia contenti erimus. Vide mus enim equum, si vel semel aliquam cœserit viam, sic illam postea meminisse, ut, cum opus sit, eandem sine ullo errore, atque sine illius, qui vehitur, rectione optime conficiat. videmus hirundines anno posteriore in eandem se-

e
4. ph. t. 101.
115. 129. 131.

12. p. phiz. t.

29.

f
4. ph. t. 131.

g
3. de aia t. 53

dem, in qua superiore anno nidum construxerunt reuerti.
 Quid? nonne ego s̄epissime animaduerti passeres non modo meminisse locum, quò prius aduolassent, verum etiam certam, & statam temporis horam, qua conuolare quotidie eodem solebant? Et enim domi meæ, ubi micæ, ac reliquæ mensæ proiiciebantur, quotidie, & eadem hora prandii passeres illhuc ad pastum aduolabant, ut etiam, cum distentus studiis tardius, quām opus esset, ad prandiū descenderem, à puero, & ab ancilla, qui mihi ministrabat, plerunque admonerer, horam esse prandii, quia passeres aduolassent. Neque profecto ista nunc commemorata animalia talem memorię usum haberent vñquam, nisi & se prius aut viam confecisse, aut in illa sede, vel in illo loco fuisse, & simul tunc posterius eandem vel viam, vel sedem, vel locum animo repetere cognoscerent. Hæc autem prioris, atque posterioris cognitio nihil aliud, quām tempus sentire, atque cognoscere, est. Quamobrem non est, quòd dubitemus, quin belluę, quamvis ratione careant tamen tempus, dum aliquid meminerunt, cognoscant. Restat igitur, ut controuersia, quę in his videtur esse, tollatur. Quod sanè nobis facilius erit, si quatuor ante probè cognita, atque accepta tenuerimus. Horum autem primum est, ^h tempus esse numerum motus per prius, & posterius, alterum, omnia, i quæ materiam habent, dupliciter tractari posse, & ex ipsius totius compositi proprietatibus, quæ communes sunt materię, ac formę, & ex solius formę separatis conditionibus: tertium, ^k harum duarum tractationum superiorem ad sensum, posteriorem ad intellectum, & rationem attinere; quartum, & postremum, ex materia, & forma tempus, quemadmodum ^l cetera omnia, constare, motus enim est tanquam temporis materia.

- 3. de aia t. 9.
- 10.
- 7. p. phia t. 33.
- ^m Nam tempus est affectio quædam ipsius motus. Expositis igitur hoc modo quatuor istis facilis existit, atque prompta
- 4. ph. t. 101.
- 131.
- i
- 1. de celo. t.
- 95.
- 3. de aia t. 9.
- 10.
- 7. p. phia t.
- 3. de aia t. 10
- 37. 38. 39.
- 1
- 3. de aia t. 17
- 4. ph. t. 115.

prompta contrariarum rationum solutio. In illarum enim prima oppositum consequentis erat, quod tempus nullo prorsus percipitur sensu, id quidem si ex parte formæ accipiatur, hoc est, quatenus tempus constat per prius, & posterius, quæ instar formæ habentur, verum esse concedi debet, si uero, quatenus ex motu,ⁿ qui locum obtinet materia, ut hic intelligi oportet, negandum omnino est. quoniam pluribus communiter, ut diximus, motus percipitur sensibus, non tamen sine subiecta magnitudine, in qua fit. Nam tempus sine motu, motus autem sine magnitudine aliqua, in qua efficiatur, esse non potest. Quare equus, hirundines, passeræ, locum potissimum, quem prius nouerunt, & motum itidem, quem prius fecerunt, quibus consequens est tempus, cognoscunt, & sentiunt. Similiter autem secundæ quoque rationi esse occursum putare debemus, si quidem prius, & posterius particulæ sunt formæ temporis, quas videlicet particulas, ut inter se se conferunt, & tenuissimæ naturæ esse, & sola ratione comprehendi fatendum est, neque tamen id contra totius temporis ex sua materia, & forma constituti cognitionem, quæ ad sensus pertinet, facere appetet. Itaque solutis hoc pacto contrariis rationibus veram etiam videamus locorum, qui citati fuerunt, interpretationem. Eorum unus erat, quod nullo modo tempus esse posset, nisi animæ nostræ intellectus, numerans, ac distinguens prius, & posterius efficeret, constitueretq. temporis naturam, & formam. At isthuc quidem nihil obstat, quod minus belluæ tempus ex sua materia, & forma compositum sentiant, atque cognoscant. Alter autem is fuit, ut in quibus cupiditas cum ratione pugnaret, in iisdem solum esset temporis sensus, & notitia. Talem autem temporis sensum, & cognitionem esse ex parte formæ ibidem philosophus ipse declarat. Nam, quia cupiditas solum mouet propter id, quod tanquam iucundum

ⁿ
4. ph. t. 9.

dum in præsentia percipitur à sensu, intellec^tus præuidens, atque præcipiens, quod posterius futurum est, aduersatur cupiditati, & ab illo præsenti apparente iucundo iubet hominem se reuocare, atque retrahere. Vnde, cum tota rationis, & cupiditatis pugna sit, quia ratio cognoscit ipsum posterius, quod est particula formæ temporis, perspicuum est, quod in quibus cupiditas repugnat rationi, in iis repugnantia eiusmodi propter cognitionem formæ temporis existit. Quamobrem remanet, ut belluae usu memoriarum præditæ, dum aliquid meminerunt, tempus consistens simul ex sua materia, & forma sentiant, atque cognoscant; sic tamen, ut talis cognitio, & sensus non certi, ac definiti, sed incerti, & nullo termino definito comprehensi temporis sit. Nam o finire, atque terminare solius formæ proprium esse statuitur, materiæ autem indefinitum esse.

3. ph. t. 67.
4. de cœlo t.
35.
2. de genera-
tione, & cor-
rup. t. 50.

ARISTOTELES.

DUBITARE T autem quispiam, quonam modo affectione præsente, re autem absente meminit, quod præsens nō est. Perspicuum enim, quod oportet intelligere talem, quæ per sensum fit in anima, & in particula corporis ipsam habente, esse affectionem, cuius habitum dicimus esse memoriam, quale est aliquid animal pictura expressum. Motus enim, dum fit, imprimet tāquam effigiem quandam eius rei, quæ sensu percepta est, quemadmodum signantes annulis. Quare & his, qui propter affectus, vel propter ætatem in multo motu sunt, non fit memoria; perinde ac si influentem

entem aquam incideret motus, & sigillum; aliis autem quia frigidi sunt, quemadmodum antiqua ædificia, & propter duritatem suscipientis affectionem non ingeneratur effigies. Quapropter & valde adolescentuli, & senes sunt immemores; fluunt enim, illi quidem propter accretionem, hi autem propter decretionem. Similiter autem & nimium celeres, & nimium tardi, neutri memores videntur; illi enim sunt humidiores, quam opus sit, hi autem rigidiores. Illis igitur non manet phantasma in anima, his autem non alte imprimitur.

ECPHRASIS IIII.

Exposita memorie natura sequitur, ut cuius causa sit eiusdem usus à natura tributus animalibus, ostendatur; sed, quia ea in re potest iusta quædam hesitatio nasci, primum omnis hesitandi, atque dubitandi causa procul amo-ueatur. Etenim, si animalia vtuntur memoria, ut pristinam alicuius præterite rei cognitionem repeatant, ac reuocent, recte dubitari, & quæri posse videretur, si affectio, hoc est, phantasma in communi sensu consignatum, quod per memoriam sentimus, & percipimus, præsens est, res autem, quæ præterit, & quam prius nouimus, vnde phantasma extitit, est absens, quo modo, quæve ratione non phantasma ipsum præsens, quod memoria complectimur, sed rem illam absentem meminimus? Quod autem affectio, seu phantasma sit præsens, minime obscurum est. Ut enim in aliqua tabella quippiam pictura exprimitur, sic in animalis anima,

anima, & simul in corde, ^a quod est illius propria sedes, mente intelligere debemus, per phantasiam consignari affectionem, id est alicuius rei phantasma imprimi; cuius quidem phantasmatis habitum, seu, ut planius loquamur, ^b comprehensionem esse memoriam dicimus. Motus enim, qui à sensibus ex aliqua re percepta efficitur, & ^c qui proprio nomine appellatur phantasia, quando fit, imprimit, & quasi informat in sentiente anima, & simul in corde, tanquam effigiem, & imaginem rei, quæ sensibus comprehensa est, sicuti faciunt ii, qui annulis sigilla solent in cera imprimere. Ex quo fit, ut illis, quorum anima simul cum corde, in quo consistit, multo, assiduoque motu, vel propter affectus, & cupiditates, vel propter crescendi, decrescendiue etatem agitur, nequaquam ingenerari memoria possit; perinde ac si & motus ille à sensibus, & ^d sigillum, id est effigies rei sensu perceptæ, quæ in anima, & in corde imprimitur, in aquam rapide fluentem incideret in eaque propter celerem fluxum consistere nullum posset impressionis vestigium. Aliis autem, ^d qui propter efflatum in longa, diurnaque vita naturalem calorēm frigidie euaserunt, aut tales ob propriam naturæ constitucionem sunt, & ^e ea de causa rigidum, & durum habent cor, quod vnā cum anima suscipere impressionem debet, nequit vlo pacto inuti effigies, & informari rei phantasma; quemadmodum neque in uestitis, antiquisq. edificiis ob squalidos parietes, & labefactatum tectorium nihil pingendo exprimi, ac designari potest. Itaque & qui admodum pueri, & qui senes itidem sunt, memoria solent ex-
 lib. de resp. pertes esse; fluunt enim, & in multo motu versantur utriusque, ^f pueri, quia vehementer crescent, senes autem, quia magnopere decrescunt. Eodem autem modo, & nimis celeres, & nimis tardicarere memoria videntur: illis enim 3. de partib. arialium. c. 2. id accedit, quia, ^g cum tenuorem, humidoremq. sanguinem,

nem, & cor mollius, quam deceat, habeant, phantasma in anima, simul & in corde impressum permanere non potest, his autem, quia propter spissum, & crassum sanguinem, atque nimiam cordis duritatem nequit ullum imprimi, & quasi alte insculpi phantasma. Sic igitur apparet phantasma praesens esse, quod pro natura varietate, ac dissimilitudine ad memorie usum, aut generatur in anima, aut non generatur.

ARISTOTELES.

ATQVI, si tale est, quod accidit circa memoriā, utrum hanc meminit affectionem, an illud, ex quo facta est? Si enim hanc, nullum eorum, quae absunt, meminissemus, si autem illud, quomodo sentientes hanc, meminissemus absens, quod non sentimus? Siue est simile, ut effigies, vel pictura in nobis; si autem huius ipsius est sensus, cur esset memoria alterius, sed non eius ipsius? Qui enim agit memoria, contemplatur affectionem hanc, & sentit eam. Quomodo igitur meminit, quod praesens non est? Liceret enim & videre, quod non est praesens, & audire. Nimirum est, ut contingit, & accidit hoc. Ut enim animal in tabula pictum & animal est, & imago idem, atque unum hoc est ambo, esse tamen non idem est ambobus, & licet contemplari, & ut animal, & ut imaginem, sic & phantasma in nobis existimare oportet, & ipsum quiddam per se esse, quod contemplatione com-

D prehen-

prehenditur, & alterius phantasma. Quatenus igitur est per se, est id, quod contemplatione comprehenditur, aut phantasma, quatenus autem alterius, ut imago, & quod memoria percipitur, est. Quare &, cum motus ipsius agit, si, ut per se est, sic anima sentit ipsum, tanquam conceptus quidam animi, vel phantasma occurtere videtur. Si autem, ut alterius, sicuti in pictura, tanquam imaginem contemplatur, etiam qui non vident Coriscum, ut Coriscum; hic autem alia est affectio contemplationis huius, & cum, ut animal pictum, contemplatur. Et in anima modo fit, ut conceptus solum modo, ut ibi imago, id, quod memoria percipitur.

E C P H R A S I S V.

Qvō pacto rei effigies, seu phantasma in animali in generetur, & præsens sit, ex his, quæ proxime tractauimus, esse planè intellectum mihi persuadeo. Vtrum igitur, cum memoria vtimur, meminimus hanc affectionem, seu rei effigiem, atque phantasma, quod præsens est, rem illam absentem, ex qua phantasma ipsum ingenitum, atque formatum est? Alterutrum enim horum asseuare per absurdum esse videtur. Nam, si affectionem hanc, seu hoc phantasma præsens, quod animo continemus, memoria comprehendimus, dum meminimus, nullum profectò eorum, quæ absunt, quæque præterierunt, meninisse possemus; si vero ipsam rem absentem, qui fieri potest, ut interiori communi sensu complectentes, & sentientes

phan-

phantasma præsens, rem absentem, quam nullo in præsen-
tia percipimus sensu, meminisse queamus? Atque id ip-
sum nihilominus evenire intelligemus, siue statuamus hāc
affectionem, seu phantasma esse rei similitudinem in no-
bis, vt imago, & pictura similitudo alicuius est. Nanque,
si hoc ipsum phantasma communi sensu percipimus, cur
memoria, quæ est in sensu communi phantasmatis habi-
tus, vel comprehensio, rei absentis est, non autem huius
ipsius præsentis, quod percipitur? Qui enim memoria
vtitur, & rem aliquam meminit, eius rei phantasma, vel
affectionem, quam animo comprehensam, & consigna-
tam habet, contemplatur, atque communi sensu illam ip-
sam sentit. Nullo igitur modo rem absentem, quæ ^a tunc
extra omnem sensus actionem est, posse meminisse vide-
tur. Id enim si fieret, etiam fieri posse putaretur, vt quod
& videndi, & audiendi sensibus minime præsens est, illud
videre, & audire liceret. ^b In similibus enim naturale est,
vt quemadmodum in vno se habet, sic in reliquis quoque
se habeat. Isthuc autem haudquam fieri posse cogno-
uimus ante, quandoquidem omnem tum interioris, tum
exteriorum sensuum cognitionem esse tantummodo præ-
sentium ostendimus. Atenim, si rei naturam accuratius,
diligentiusque considerauerimus, quomodo id recte, ac
sine vlo incommodo contingat, fierique possit, facile in-
ueniemus. Vt enim pictum in tabella animal & animal pi-
ctum, & simul imago veri animalis est, ipsumque idem,
atque vnum per pulchre eo ipso tempore ex fese præ se
fert ambo illa, quæ tamen cogitatione, ac mente ita distin-
guuntur, vt aliud sit esse animal pictum, aliud esse imagi-
nem veri animalis, nobisque licet tum vt animal pictum,
tum vt imaginem animalis considerare, sic etiam phantasma,
quod in nobis est, re vnum, atq; idem esse, cogitatione
autem, & ratione in duo distingui posse existimare opor-

^a
2. de anima
2. 59. 60.
7. p. ph. t. 33
53

^b
2. top. c. 4.
loc. 32.
8. ph. t. 63

tet, hoc est, & ipsum esse quiddam per se, quod est contemplationi subiectum, & rei cuiuspiam phantasma, atque imaginem. Quatenus igitur ipsum per se consideratur, aut phantasma est, aut id, quod contemplando comprehenditur, quatenus autem rem aliam refert, tanquam imago, & id, quod memoria percipitur, existit. Quamobrem, cum illius motu anima cietur ad ipsum intuendum, & contemplandum, si ita illud sentit, & contemplatur, ut per se est, tunc tanquam conceptus quidam animi, vel phantasma solum se offerre videtur, si vero ut aliud refert, & imago est, tum simile quidam contingit, ut si quis, qui nunquam viderit, exempli gratia, Coriscum, videat eius pictam imaginem, atque illam, ut Coriscum, vel ut imaginem Corisci contempletur, & hac quidem contemplatione aliter afficitur, atque, cum tanquam pictum animal contemplatur, & phantasma itidem in anima formatum tum ut animi conceptum, tum, quemadmodum in pictura imago, ut illud, quod memoria comprehenditur, se praebet. Hanc igitur ob causam animalia & vim, & usum memoriarum sortita sunt, ut rei, quam prius vel sentiendo, vel intelligendo nouerunt, dum phantasma tanquam illius imaginem contuerunt, cognitionem reuocent, & quasi de integro renouent.

*Theorema. Memoriæ uim in nulla capitatis parte,
sed in corde locatam esse.*

EX his, quæ hactenus nobis tractata sunt, planissime patere arbitror, memoriam esse communis sensus, seu animæ, quæ est sentiendi principiū, & in qua perphantasiā imprimuntur, & informantur phantasmatā, affectionem, vel habitum quendam. Vnde perspectum quoq; nobis

nobis fuit, communem sensum in corde, ut in propria naturali sede consistere, atque contineri, & quia ^a sentientis animæ actio communis corpori est, omnes phantasmatum impressiones, & informationes necessario simul & in communi sensu, & in corde fieri, atque suscipi. Ex quibus nemini profectò, qui vel mediocriter sapiat, dubitandum esse censemus, quin memoriae vis non in posteriore capitinis parte, sed in corde sita, atque locata vigeat. Nam, si, ut vidimus, propter vel frigoris, vel humoris abundantiam homines omni propemodum memoria carere videntur, qui conuenire potest, ut in capite propè cerebrum, ^b quod & frigidissimum, & humidissimum est omnium, quæ in animali sunt, atque contrarium propriæ sedi animæ, quæ est calidissima, ipsius memoriae vis collocetur? Hæc nimirum absurdâ omnia, vel potius talia, quæ esse minime possunt, vitabimus facile, si, quemadmodum fecimus, non in aliqua capitinis parte, sed in corde memoriam constituerimus. Et enim in propria sede animæ, vbi caloris vis ^c ad omnes animæ actiones aptissima ministra conditur, & vbi necessario impressiones, & consignationes recipiuntur phantasmatum, quorum comprehensionem esse memoriam ostendimus, memoria optime posita, atque collocata erit.

*Theorema. Memoriam esse animæ facultatem
uniuersalia, non autem indiuidua
comprehendentem.*

DE MONSTRATVM, ac sœpe iam repetitum est, memoriam esse in communi sensu apprehensionem phantasmatis, ut imago rei est. Ex tali autem explicata memorie natura, si quis subtilius philosophari vellet, constitutum, nostra quidem sententia, haberet, ipsam memoriam

- ^a 3. de anima. t. 7.
lib. d sensu,
& sensib. c. 1.
^b 2. de gener.
animalium. c. 3.

- ^c 1. de animaliū
hist. c. 16.
2. de partib.
animalium. c. 7.
3. de partib.
animaliū. c. 4.
4. de partib.
animaliū. c. 10.
2. de generat.
animaliū. c. 4.
c
2. de partib.
animalium. c. 7

riam esse animæ facultatem vniuersalia, non autem indiuidua comprehendentem. Id quod multo etiam manifestius constabit, si pauca quædam, tanquam huiusc veritatis fundamenta iacta nobis, atque planè perspecta erunt. Horum autem primum est, quid memoria sit, alterum, quid phantasma, tertium, quid vniuersale, & quid indiuiduum, quartum & postremum, quo modo & vniuersale, & indiuiduum cognoscatur. Memoria igitur (quamuis crebra repetitione id tritum sit, sèpius tamen esse dicendum videtur,) est in communi sensu apprehensio phantasmatis, vt imago rei est. Phantasma vero est sensibilis rei species è materia exempta, & in communi sensu ingenita. Quare, cum intellectus, aut ratio nihil, nisi quod sensibus aliquo modo fuerit comprehensum, percipere possit, phantasma, b in quo species intelligibilis continetur, se, c tanquam rem sensibus comprehensam, intellectui, atque rationi præbet. Vtrum autem ipsum phantasma pro vniuersali, an pro indiuiduo haberi debeat, si quid vniuersale, & quid indiuiduum sit, perspèxerimus, facile intelligere licebit. d Quod igitur suæ natura comparatum est, vt idem in pluribus eo ipso tempore totum & que, perfecteque insit, id vniuersale dicitur. Tales autem sunt omnium rerum species, ac formæ tum sensibiles, tum intelligibiles, e vtpote quæ anima vel sentiente, vel intelligente concipi, f & à materia, in qua sunt, saltem cogitatione prorsus se iungi, atque separari possunt. Indiuiduum autem illud est, g quod vniuersali subiicitur, & sua natura non est comparatum, vt idem in pluribus sit. Quapropter, cum huiusmodi omnia sint ea, quorum materia continua est, atque vna numero, patet sanè, indiuiduum per materiam, quæ diuisibilis est, constitui. Forma enim, & species, h que per se vna, & indiuidua existit, cum à materia in plures diuisa partes suscipitur, ac participatur, tum quodam-

- a 2. d. aia. t. 121.
- 138. 148. 155.
- 3. de anima t. 30. 39.
- huius lib. t.
- Ecp. 3. 4.
- lib. de motu animaliū. t.
- Ecp. 15.
- b
- 3. de aia. t.
- 32. 39.
- c
- 3. de aia t. 30
- 39
- d
- 1. post. t. 36.
- 5. p. phig. t. 31
- 7. p. phig. t.
- 45. 57.
- e
- 2. de aia. t. 60
- 121. 138.
- 3. de aia. t. 6.
- 38
- lib. de motu animalium.
- t. Ecp. 15.
- f
- 2. ph. t. 12.
- 3. d. anima t.
- 9. io. 11. 38. 39
- 2. p. phig. t. 8
- g
- lib. d. interp.
- sec. 2.
- 7. p. phig. t.
- 45.
- h
- 7. p. phig. t.
- 28.
- 12. p. phig. t.
- 49.

quodammodo multiplex, & diuidua fieri videtur, atque illud totum ex hac materiæ parte, & ex forma eam informante conflatum indiuiduum appellatur, quia in plura sic informata minime diuidi potest. Itaque nunc reliquum est, vt quo pacto tum indiuidua, tum vniuersalia cognoscantur, declaremus. Quoniam autem & cuique maxime in promptu est, & nos supra iam ostendimus, indiuidua, quando præsto adsuntⁱ ab externis solum sensibus percipi, & cognosci, tanquam notissimum id probare omittemus. Vniuersalia uero, quamuis eorum notio^k ex indiuiduorum cognitione tum existat, cum ipsa indiuidua subtrahuntur à sensibus, tamen, quia rerum species, & formæ sunt ab anima sine materia conceptæ,¹ & propterea vniuersales, profectò aut ab interiori communi sensu, si sensibiles species, hoc est, phantasmatæ, aut ab intellectu, & ratione, si intelligibiles sunt, percipi, atque intelligi neceſſe est. Verisimile enim est, vt, quæ intus in anima concepta tenentur, ea interioribus animæ viribus cognoscantur, & intelligantur. Quin etiam ipsi exteriores sensus, simul atque ab externis rebus sentiendis abierunt, primi species susceptas sensibiles, vt^m vniuersales, sed, vt proximas ipsius indiuiduis cognoscere, ac percipere incipiunt. Ex his igitur sic expositis manifestissime apparet, & phantasma esse rei sensibilis speciem sine materia in communi sensu interiori consignatam, propterea que etiam vniuersalem redditam, & omne vniuersale anima conceptum ui interioris notionis, qualem esse memoriam sèpius monstrauimus, cognosci. Quocirca sineulla dubitatione assuerare debemus, memoriam esse facultatem animæ vniuersalia, non autem indiuidua comprehendente. Neq; vero obstatre putandum est, quod phantasma, vt imago rei est, cōprehenditur. quia non ipsius indiuidui, sed speciei sensibilis, quæ in illo indiuiduo est, imaginem phantasma p̄ se fert.

Aristo-

- ⁱ 1. post. t. 134
182.
2. de anima.
t. 60.
k 1. post. t. 134
182.
2. post. t. 104
106.
1. p. phiz. c. 1
7. p. phiz. t.
35. 53
1. de celo. t.
92.
7. p. phiz. t.
35. 37.
m 2. post. t. 106.

ARISTOTELES.

Et propter hoc interdum nescimus, dum fiunt nobis in anima tales motus ex eo, quia prius senserimus, an quemadmodum senserimus, sic accidat, & hæsitamus nonnunquam, an sit memoria, nec ne aliquando autem accidit, ut intelligamus, & reminiscamur, quod audiuimus aliquid prius, aut vidimus. Hoc autem accidit, cum contemplans, ut illud, mutetur, & contempletur, ut alterius. Contra autem etiam interdum fit, ut contigit Antipheronti oritæ, & aliis mente alienatis. Phantasmata enim, tanquam fierent, memorabāt, & tanquam meminissent. Id autem fit, cum quis non imaginem, tanquam imaginem, contempleatur. Meditationes autem memoriam conseruant recolendo; hoc autem nihil aliud est, quam contemplari sæpe, ut imaginem, & nō ut per se. Quid igitur sit memoria, & meminisse, dictum est, quod est phantasmatis, ut imaginis eius, cuius est phantasma, habitus, & cuius particulæ earum, quæ in nobis sunt, quod primi sensitiui, & quo tempus sentimus.

ECPHRASUS VI.

Quo modo ex comprehensione phantasmatis praesentis meminimus rem absentem, & quam ob causam memoria

moria sit animalibus tributa , hactenus patefactum est . Sed , quia phantasma non solum ex re , quam sensus perceperunt , formari , verum etiam sic in nobis effigi potest , ut nullam vnius rei perceptae sensibus similitudinem gerat , propterea fit , ut , si quod phantasma ex re ante sensibus comprehensa in nobis formatur , & anima ad illud intuendum , & contemplandum , siue ut per se conceptus quidam animi , siue ut imago rei iam cognitæ est , excitatur , & mouetur , interdum aut ob imbecillam memorie vim , aut propter temporis longum interuallum , neque sciamus , neque certisimus , vtrum tale phantasma , si illud , ut per se , contemplamur , ita ex re antea sensibus percepta existat , ut veram contemplationem parere queat , an fictitium , & commentitium sit , si vero , ut imago rei est , dubitemus , minimeque constituere valeamus , an eiusmodi comprehensio phantasmatis sit memoria , necne . Nonnunquam autem contingit , ut , si ipsum phantasma ad se considerandum moueat animam , utroque modo recte comprehendamus , hoc est , & , ut per se conceptus animi est , illud intel ligamus , ac contemplemur , & , ut imaginem sic contueamur , ut trem , quam prius audiuimus , vel vidimus , meminierimus . Neque ambo ista simul , sed deinceps accidunt , cum videlicet contemplantes phantasma , ut ipsum per se est , mutemur , atque , ut imaginem alicuius rei , contemplari aggrediamur . Contra tamen aliquando etiam fit , sicuti Antiphonti oritæ , & aliis mente captis , & alienatis contigit , & quotidie contingere non nescii sumus . In illorum enim anima ,^a que ob nimium vel calorem , vel extraneum humoré suo statu mota est , et exagitata , phantasmata à rebus cognitis aliena , atque monstrosa fingebantur , & tamen de talibus fictitiis , atque commentitiis phantasmatis sic cogitabant , & loquebantur , quasi ex re aliqua vera , & iam cognita fuissent formata , & consignata in ani-

E ma ,

^{2.} de partib.
aialium . c. 7
^{3.} de partib.
aialiu . c. 10 .

ma, & tanquam rem illam ipsi quoque meminissent, ac recordarentur. Id autem euenit, cum quispiam phantasma, quod nullius imago rei sit, tanquam imaginem, vt diximus, contemplatur. Sic igitur vitiatur interdum, atq; deprauatur memoriae vis, cuius quidem usus cum tam animalium uitæ sit necessarius, non solum conseruari ea ipsa memoriae vis, sed etiam omni cura augeri debet. Id autem meditationes, & exercitationes, crebræque memorie repetitiones commode præstare possunt, quod certe nihil aliud est, nisi sæpen numero phantasma, vt imaginem rei, non vt per se conceptum animi intueri, & contemplari. Quid igitur memoria sit, & quid meminisse, haec tenus planissime intelligere potuimus, siquidem memoriam esse phantasmatis, vt imago rei est, ex qua phantasma existit, habitum, seu comprehensionem, & meminisse esse habere, siue comprehensionem tenere tale phantasma, tanquam imaginem rei, & utrumque horum in ea hærere, atque constare animæ parte, quæ sentiendi principium est, & quæ tempus cognoscimus, demonstratum est.

Corollarium. Quid sit obliuio, & obliuisci.

QUONIAM nobis exploratissimum, perspectissimumque est, memoriam esse in communis sensu habitum, seu comprehensionem phantasmatis, vt imago rei est, minime illud nos fugere oportet, cum ^a sua cuique habitui opponatur in proprio subiecto priuatio, q; obliuio, quæ memoriae contraria est, eidē memoriae in communis sensu debet necessario opponi, vt priuatio. Itaque, ^b cum oppositorum sit eadem scientia, hoc est, cum ex unius ^c explicata, & intellecta natura etiam alterius possit opposite statim explicari, atque intelligi, haud difficile censemus, quoniam, quid sit memoria, scimus, quid obliuio quoque sit, quam-

^a
2. top.c. 3.
loc. 25.

^b
7. p. phig. t. 23
10. p. phig. t.
¹⁴
^c
6. top.c. I.
loc. 10.

quamuis ne uerbum quidem de ea philosophus fecerit,
scire, atque intelligere. Si igitur memoria est in sensu cō-
muni habitus, seu apprehensio phantasmatis, vt imago est,
obliuio nimirum erit in eodem sensu priuatio, seu amissio
phantasmatis, vt imago est, et si meminisse est habere, seu
comprehensum tenere tale phantasma, etiam obliuisci e-
rit priuatum esse, sive illud ipsum amisisse phantasma.

*Quæstio. Vtrum possit sine ulla re sensibus per-
cepta aliquod phantasma intus in
anima formari.*

DV M memoria utimur, seu rei alicuius meminimus,
nobis semper aliquod phantasma, vt imaginem il-
lius rei, quam sensibus antea cognouimus, contemplari
necessa esse persæpe iam dictum est. Verum, quia hoc lo-
co philosophus aperte afferit fieri interdum posse, vt ho-
mines, cum phantasma aliquod contemplantur, vel igno-
rent, vtrum illud ex quapiam antegressa sensuum cogni-
tione formatum habeatur, an fictitium sit, vel ita id consi-
derent, & contemplentur, quasi imago rei alicuius esset,
cum tamen re uera nullius imago existat, faciendum nobis
in præsentia duximus, vt perquiramus, an possit sine ulla re
ante sensibus percepta aliquod phantasma intus in anima
formari, & consignari, necne. Primum igitur hoc minime
effici posse firmis rationibus putaretur. Nam, si phantasma
generaretur in anima sine vlla re sensibus ante percepta,
sequeretur, vt ex nihilo phantasma genitum esset. isthuc
autem, ^a cum vniuersæ philosophiæ fundamenta euerte-
ret, concedere, atque admittere stultissimum esset. Quòd
autem phantasma ex nihilo generaretur, si formaretur in
anima sine vlla re sensibus ante cognita, planissimum ex

^a i. ph. t. 33.

³⁴ i. de genera-

tione, & cor-
rup. t. 11.

b eo esse potest, ^b quòd phantasma est sensibilis species sine
 2. de anima materia ex re sensibili per phantasiam in communi sensu
 t. 155. iagenita, si igitur nulla detur sensibilis res, ex qua per sensum
 3. de aia t. 30 sentiendo ingeneretur phantasma in anima, relinquitur
 39. profectò, vt phantasma; quia non potest aliunde generari, ex nihilo genitum sit. Præterea, si phantasma sine vlla
 re sensibus cognita procrearetur, phantasia sine sensu ef-
 ficit, hoc, quoniam & philosophi sententiae, & ipsius reina
 c. 2. d aia. t. 153 turæ aduersatur, tanquam prorsus falsum, repudiari de-
 160. 161. bet. Quòd autem, si antecedens concederetur, conse-
 d quens etiam necessario eueniret, patet, d quia omne phan-
 2. d aia. t. 155 tasma per phantasiam in anima formatur. Si ergo illud
 phantasma ex nulla re sensibus percepta ingeneratur, o-
 portet, vt phantasia ingeneras tale phantasma à nullo ex-
 flat sensu. Id autem quantum à natura abhorreat, obscurum
 certe non est, quandoquidem e phantasia est motus,
 2. de aia. t. qui fit à sensu, dum aliquo modo sentit. Postremo, si phan-
 161. tasma sine vlla re sensibus percepta in anima extaret, ali-
 lib. de som. c. 1. quid posset mente intelligi, quod nullum vnam permie-
 asset sensum. Quia vero id nequit vlo modo fieri, pro-
 p. 1. post. t. 134 pterea quòd qui f nihil sentit, nihil intelligere potest, re-
 2. post. t. 104. manet, vt phantasma sine vlla re sensibus ante percepta,
 106. & cognita nequaquam in anima formari, atque ingenera-
 3. de aia t. 39 ri queat. Attamen, cū non modo hic philosophus innuat,
 1. p. phis. c. 1. atque dicat posse in anima non tantum uera, sed etiam fi-
 g. 2. de anima t. 153 ctitia quoque, atque cōmentitia phantasmata consignari,
 verumetia alibi tradat, sic g in nostra esse potestate phan-
 tasiam, ut, cum uelimus quodlibet phantasma fingere, id
 arbitratu nostro facere liceat, non est, quòd tam facile in
 alteram contrariam eamus sententiam; & præfertim,
 quia, si plerasque mente perlustremus artes, per nos etiam
 ipsi cognoscemus, quemcunque posse per phantasiam si-
 bi finge phantasma, quod nulli rei sensibus perceptæ si-
 mile

mile sit. Pictores enim eas regiones, locos, situs describunt, & pingunt, quos nunquam sensibus acceperunt, architecti eas exædificant domos, quarum similes nusquam uiderunt, quod quidem certe neutri facere possent, nisi phantasmata, quæ sibi confinxissent, tanquam exemplaria illarum & picturarum, & exædificationum animo inclusa, & comprehensa tenerent. Idem autem in aliis compluribus artibus quin fieri soleat, nemo certe dubitare debet. His igitur philosophi autoritatibus, & exemplis animus in vnam, superioribus autem rationibus in alteram partem facile distraheretur. Quocirca, ut omni amota controuersia, & ambiguitate verum discernere possimus, duo nobis esse ponenda censemus. Eorum vnum est, quod anima, si h
quacunque uehementi agitatione, ac perturbatione libera sit, ex uera sensuum cognitione suscipit iustas, ac reætas phantasmatum impressiones, & informationes, & talia quidem phantasmata tunc existunt, quales sunt res sensibus comprehensæ, id quod integris sensibus in sanis, siccisq. hominibus contingere solet; si uero aliqua de causa uehementer commoueatur, & conturbetur, atque exagitetur, excipit quidem, i sed prauas, atque peruersasphantasmatum impressiones, quæ ob talem agitationem, ac commotionem omnino ferè à rebus aliquo sensu perceptis discrepant, & alienæ sunt, quemadmodum uiolentis, insanis, & furiosis euenire inter omnes manifesto constat.

Alterum, quod, vt k anima potest ope, atque ministerio phantasie vnum phantasma cum altero conferre, quo ille lud, quod melius est, eligat, & persequatur, sic ex pluribus, diuersisque phantasmatisbus potest vnum quoddam phantasma, quod totum simul, & integrum nunquam sensibus perceperit, pro libitu fingere, & conflare. Et ob eam causam, quia quotiescunq; id uolumus facere, facimus, recte in nostra esse sita potestate phantasia dicitur. Etenim etiā artifices

^h
li. d som.c.3.

ⁱ
li. d som.c.3.

^k
3. de aia.t. 57

artifices ipsi, quandocunque uolunt, ex multis unum sibi configunt phantasma, tanquam exemplar rei, quam facere cupiunt, ut, etiamsi illud totum simul, & integrum nūquam sentiendo cognorint, eius tamen partes seorsum, ex quibus in anima totū conflatum, & cōstitutum est, sensibus aliquando p̄ceperint. His igitur duobus sic expositis, probēque intellectis, omnem de ueritate apparentem cōtrouersiam ex animo eiicere facile licet. Nam concedendum quidem, fatendumque est, uerissimas esse rationes, quæ prius allatae fuerunt, negandum tamen, easdem aliquid refragari, repugnaréue aut nostræ, aut philosophi sententiæ, aut collectis artificum exemplis. Certissimum enim est, nullum in anima ingenerari phantasma, quin ortum aliquo modo à sensibus habeat. Itaque neque philosophus, neque nos ita sensimus, uel diximus, neque commemorata artificum exempla ad id probandum collecta sunt, sed, si anima quieta, tranquillaque sit, in ea posse sic multa consignari phantasmata, ut uel ex eis per phantasiam unum, uel aliquid, quod neque prorsus simile, neque prorsus dissimile cuiquam illorum existat, confici possit, sicuti philosophus hic primo loco significauit, & artificum confirmarunt exempla, si uero aut morbo, aut affectibus quibusdam ipsa anima ita commoueatur, & perturbetur, ut phantasmæ cursus, & actio distorqueatur, & deprauetur, fieri quidem impressiones phantasmatum, sed illorum, quæ absurdæ, penitusque discrepantia ab re, quæ sensibus percepta iam sit, quemadmodum secundo loco de mente captis, & insanis philosophum planissime loqui cognouimus. Quamobré ex adhibita distinctione, et ueras esse supra adductas rationes, & uera etiā quæ hic bifariā sunt à philosopho dicta, & nihil inter se pugnare appetet. Ex quo relinquitur, ut nullū phantasma sine ulla re sensibus aliquo modo percepta intus in aīa formari possit.

Aristo-

ARISTOTELES.

DE eo autem, quod est reminisci, reliquum
est dicere. Primum igitur, quæcunque in libris,
qui rationem argumentandi continent, vera sunt,
tanquam, si hic essent, ponere oportet. Remini-
scientia enim neque resumptio, neque sumptio
memoriae est. Cum primum enim vel didicerit,
vel affectus fuerit; neque ullam resumit memo-
riam, (nulla enim antea extitit,) neque à principio
sumit. Cum autem factus fuerit vel habitus, vel
affectio, tunc memoria est. Quare, dum fit affe-
ctio, cum ea non ingeneratur. Præterea autem,
quando primum facta est in individuo, & extre-
mo, affectio quidem inest iam affecto, & scientia,
si decet appellare scientiam habitum, vel affectio-
nem, (nihil autem prohibet secundum accidens
meminisse quædam eorum, quæ scimus,) memi-
nisse autem per se non inest, priusquam tempus
interfluxerit. Meminit enim nunc, quod vidit, vel
quo affectus est prius, non quo nunc est affectus,
nunc meminit. Præterea autem perspicuum, quod
meminisse licet non eum, qui nunc, cum à princi-
pio senserit, vel affectus fuerit, recordatus sit, sed,
cum resumat, quam prius habebat scientiam, vel
sensem, vel cuius habitum dicebamus memoriam,
hunc licet & tunc reminisci aliquod eorum, quæ

dicta

40 DE MEMORIA,
dicta sunt, meminisse autem accidit, & memoriam
sequi. Neque videlicet, haec simpliciter si, cum an-
te affuerint, rursus ingenerantur, sed est, ut licet,
est autem, ut non. Bis enim eūdem, contingit di-
scere, & inuenire idem. Oportet igitur reminisci
differre ab his, & si maius insit principium, quām
ex quo discit, reminisci.

ECPHRASIS VII.

QVAE CVNQVE ad memoriam, & meminisse, quae cer-
te communiora, & natura priora, quām reminiscentia, &
reminisci, sunt, cognoscenda, sciendaque pertinent, hacte-
nus tractata, & explicata satis esse arbitror. Restat igitur,
sicuti propositum fuit, ut item, quid reminiscentia sit, &
quid reminisci, deinceps dicamus, atque consideremus.
Itaque in primis, quo natura reminiscentiae recte possit
exponi, & perspici, ea, quae in topicis uera de quacunque
re desinienda sunt tradita, hoc loco pro repetitis habe-
mus, oportet. Cum enim in topicis libris^a facultas conti-
neatur dialectica, b quae nullum certum, ac definitum ge-
nus, tanquam materiam, in qua ueretur, subiectum ha-
beat, sed latissime pateat, & uniuersas rerum naturas per-
uagetur, necessario & c omnes communes loci tum argu-
mentandi, tum in utrunque partem disputandi in iis ipsis
libris aperiuntur, &, quia d plurimæ sunt, atque diuersæ,
dissimilesque rerum naturæ, illorum communium loco-
rum permulti, cum in unam aliquam omnino conueniunt,
& quadrant naturam, ac ueri sunt, in aliam interdum non
et que prorsus conuenire, & quadrare, atque ueri esse pos-
sunt. Eorum autem principales maximeque omnium ne-
cessarii

i. top. c. 1.

b

i. post. t. 84.

85.

i. Rhet. c. 1.

4 p. phia t. 5

c

i. top. c. 2.

d

lib. Elen. c. 1

cessarii iure habentur ii, qui ad quamque rem explicandam, & definiendam spectare videtur. In omni igitur re definienda e quinque, ut summatim dicamus, vera necessario adesse debent: vnum est, vt de tota natura definita definitio enuntietur vera, alterum, vt ad rem definiendam proprium genus, & propriæ adhibeantur differentiæ, tertium, vti definitio ita ipsius naturæ definitæ propria sit, vt inter se plane reciprocenetur, quartum, vt dilucida, ac plana definitio existat, nihilqne in ea aut desit, aut redudet, quintum, & postremum, vt ex prioribus natura definitio constituatur. Ad hæc autem quinque si reminiscençæ explicatio dirigatur, ab illius perspicie ña natura minime aberrabimus. Itaque neque simplex, ac prima sumptio, neq; iterata sumptio memoriæ reminiscençia esse potest. Nam, cum reminiscençia, vt paulo post nobis manifestissime constabit, sit ex repetitis memoriis, & ex aliqua alia connexa cognitione inuentio rei cuiuspiam, neutram, si dicere tur esse aut sumptio, aut iterata sumptio memoriæ, de tota reminiscençæ natura vere definitio enuntiaretur, neq; in proprio genere posita reminiscençia esset. Vt primum enim quis reminiscendo inuenierit, seu didicerit rem aliquam, aut quopiam modo affectus fuerit, tum certe nullam eius vel rei, vel affectionis denuo sumit, renouatue memoriam, quippe quòd nulla prorsus antea talis extitit memoria, sed tunc primo ex inuentione aut res cognoscitur, aut ipse aliquo pacto afficitur, & nondum vel rei, vel affectionis ullum formatum est phantasma, neque à principio sumit, sed cum habitus, vel affectio, seu phantasma in communi sensu ingenitum erit, & eorum aliquod contemplatione percipiatur, tunc memoria existit. Quapropter, dum habitus, vel affectio ingeneratur, nullo modo etiam memoria simul ingenerari potest. Præterea autem illud ipsum magis etiam confirmare licet ex eo, quòd simul atq;

F habitus,

c. Top. c. i.
 loc. 1. 2. 3. 4. 5

habitus , vel affectio in individuo , & extremo temporis
 momento ,^f quod in fine cuiuslibet generationis , atq; mu-
 tationis necessario esse debet , est ingenita , habitus quidē ,
 vel affectio inest in homine iam sic affecto , & scientia eti-
 am , si eiusmodi habitum , vel affectionem appellare scien-
 tiā licet , (nihil sanè prohibet , vt antea quoque dictum
 est , quo minus aliqua eorum , quæ scimus , per extraneam ,
 & aduentitiam naturam phantasmatis , in quo species in-
 telligibilis cōtinetur , meminerimus ,) sed meminisse , quod
 per se , & secundum phantasmatis naturam est , nequit in
 nobis prius inesse , quām aliquod temporis spatium efflu-
 xerit . Meminimus enim nunc id , quod pr̄ius nouimus , vel
 quo prius affecti fuimus , non autem , quo nunc affecti fu-
 mus , illud nunc memoria repetimus . Ipsum enim nunc ,
 quia individuum est , & nullum temporis complectitur spa-
 tium , seu interiuallum . Ex quo pr̄terea perspicuum etiā
 est , quod si quis nunc à principio quipiam senserit , aut
 aliquo modo affectus fuerit , & simul id secum recorda-
 tus erit , is haudquam tunc meminisse recte dici potest ,
 sed , cum scientiam ante partam sine contemplatione , aut
 pristinum sensum sine sensione , aut phantasma , cuius habi-
 tum , & comprehensionem esse memoriam docuimus , post
 reuocet , atque iterum sumat , hoc est , cum aut repeatat ani-
 mo se antea didicisse , contemplatum esse , vel sensibus
 aliquid percepisse , aut intueatur phantasma , quod vel di-
 scendo , vel sentiendo formatum , & ingenitum fuit , huic
 nimirum licet etiam tunc reminisci , seu ad reminiscētiæ
 usum adhibere aliquod eorum , quæ modo commemora-
 ta sunt . At isthuc quidem etsi meminisse non est , contingit
 tamen , vt & meminisse , & memoria illi consequentia sint ,
 propterea quod , cum reminiscimur , tum meminisse , atque
 memoriam usurpare necessario cogimur . Neq; uero hæc ,
 quorum memoriis ad reminiscendū utimur , si animo ante
 concepta

g

4. ph. t. 89.

107. 121.

6. ph. t. 2. 24.

25.

concepta extiterint, & aliquanto temporis spatio post amissa, ac quasi oblita fuerint, rursumq. quacunque ratione renouentur, & ingenerentur, efficere semper memoriam putari debent, sed esse, & quando id efficere, & quando non efficere possint. Contingit enim, ut una, eademq. res ab uno, eodemq. homine bis addiscatur, & inueniatur. Quando igitur res aliqua vel alio docente, vel disciplinarum studiis semel aut cognita, aut inueta fuerit, ac talis cognitionis, & inuentionis habitus iam in anima consignatus postea sic obliteratus, atque deletus erit, ut vix tenuis quedam illius adumbratio remanserit, tum no per memoriam recoli poterit, sed per iteratam disciplinam, & studia denuo eadem res ab eodem disci, & inueniri debebit. Quamobrem reminisci, ad cuius usum memoria necessaria est, aliud omnino esse, quam denuo discere, & inuenire eandem rem oportet; quandoquidem reminiscimur, si reminisci principium, quod animo comprehensum est, notitiam rerū se deinceps consequentium maiorem contineat, quam discendi principium continet eorum, quæ discere auemus. Discendi enim principium plurimorum commune est, aut per multa complectitur, neque sua natura ad unam certam sciendam, atque discendam rem spectare videtur: nam h̄ axiomata plurimarum, vel potius omnium scientiarum communia sunt, i defini-
tio autem, seu natura definita principium omnium suarū affectionum existit. At reminisci principium ita esse contractum, & ad unam aliquam rem, quam reminisci uolumus, referri cognoscitur, ut eam ipsam rem, quemadmodum paulo infra videbimus, propè necessario consequentem sibi deinceps habeat.

h
1. post. t. 58.
74. 84.
4. p. phie. t. 7.
i
1. post. t. 14.
64. 66. 68.
2. post. t. 14.
45. 46.

ACCIDUNT autem reminiscentiae, quoniam natura comparatus est motus hic, ut fiat post huc; si ex necessitate quidem, perspicuum, quod, cum fuerit illo excitatus, hoc ciebitur, si autem non ex necessitate, sed consuetudine, plerunque ciebitur. Accidit autem quosdam semel assuefieri magis, quam alios, qui saepe carentur. Quapropter quædam, quæ semel nouimus, magis meminimus, quam alia, quæ saepè. Cum igitur reminiscimur, aliquo priorum motuum ciemur, quo cunque modo moti fuerimus, post quem ille consuevit. Quare, & quod deinceps est, venamur ex ipso nunc, vel alio aliquo, & ex simili, vel contrario; & quæ est propinquæ rei, propter hoc fit reminiscencia. Motus enim horum, aliorum quidem iidem sunt, aliorum simul, aliorum autem partem habent. Quocirca reliquum exiguum, quod motum est post illud. Quærunt igitur sic etiam non quærentes uidelicet hoc modo reminisci, cum post alterum motum ille fiat, plerunque autem, ubi facti fuerint alii motus, quales diximus, ille factus est.

ECPHRASIS VIII.

VIDIMVS: pluribus rationibus reminiscentiam, neque primam

primam sumptionem, neque iteratam, renouatamq. memoriae sumptionem esse posse, propterea quod, quæ necessario ad rem definiendam requiruntur, minime adfissent. Quid igitur ea sit, sequitur, ut nunc inuestigemus, & consideremus; cuius quidem inuestigationis, atque considerationis exordium à modo, & ratione, qua reminiscencia generatur, esse commode capiendum uidetur. Natura enim reminiscientia in sui generatione, qm̄ emadmodum etiam a quorundam aliorum, plane consilit. Itaque, cum reminiscencia sit, ut ante posuimus, ex repetitis memoriis, & alia quadam annexa cognitione præsens inuentio rei, non opus esse apparet, sicuti in explicanda memoria fecimus, & in qua parte animæ primo reminiscencia insit, & quænam possint reminiscencia comprehendendi, quærere.

Qualia enim fuerūt in memoria, talia & in reminiscencia esse, ferè perspicuum per se est, & post etiam plane ostendetur. Quamobrem sunt quidem, & eueniunt reminiscientia hominibus, quia vnius memoriae motus suapte ui comparatus est, ut simul atque aliis alterius memoriae motus factus fuerit, eum statim sequatur. Quæ videlicet motuum consecutio aut ex necessitate, aut ex consuetudine contingere solet. Si igitur ex necessitate, certum est, quod, cum vnius prioris memoriae motu excitati fuerimus, semper deinde alio motu alterius memoriae, quæ illi superiori ex rerum natura sit affinis, & iuncta, necessario ciebimur: si uero non ex necessitate, hoc est, ex rerum natura, sed ex nostra repetendi, & recolendi, aut agendi consuetudine existet, non semper, sed plerunque motus posterioris memoriae motui prioris in nobis consequens erit. Atque in talibus sese ex consuetudine consequentibus memoriarū motibus magnam extare hominum differentiam minime nos fugere debet. Contingit enim, ut aliqui, si vel semel duas deinceps repetuerint memorias, magis ad easdem

repe-

a

3. ph. t. 57.

4. ph. t. 101.

106. 1:1.

9. p. ph. t. 11

repetendas, quām alii, qui in illarum repetitione sēpius excitati, versatiq. fuerint, assuefiant. Quod quidem nos propterea effici arbitramur, quōd illorum constitutio ita temperata est, vt rerum habitus, atq; phantasmatata egrēgiē in corde, & in anima simul impriniantur, & impressa pulchre retineantur, ac perspicue appareant; in aliorum autem corde propter nimiam vel duritiem, vel mollitudinem, aut difficulter imprimi, aut impressa vix retineri phantasmatata possint. Quocirca nonnulla, b quae maiorem vim, & efficacitatem ad faciendas phantasmatum impressiones habent, si semel tantum perceperimus, & aliquo modo nouerimus, magis, atque facilius meminisse solemus, quām alia, in quibus, etiam si sēpius nostræ inculcata fuerint cognitioni, nō tantum inest virium. Vt igitur ad propositum reuertamur, cum reminiscimur, seu cum reminiscētia vtimur, alicuius pristinæ memoriae motu, qualis cunque ille fuerit, sic cieamur, oportet, vt alter alterius itē memorie motus, qui vel ex necessitate, vel ex consuetudine consuevit, cōsequatur. Vnde & quod ex talibus memoris deinceps reminiscendo inuenturi sumus, quārimus, & venamur ex re, quae in præsentia sit, & cognoscitur, aut ex aliqua alia, & ex simili, aut contraria illi, quod etiam ob eam causam comprehenditur, & inuenitur reminiscendo, quōd istis rebus propinquum sua natura, atque finitimum est. Earum enim rerum, & huius, quod per reminiscētiā inueniri debet, motus, quibus ad cognoscēdūm excitatur anima, aut iidem sunt, aut simul efficiuntur, aut aliquid inter se commune habent. Sunt quidem iidem c quando & res, quarum antegrediens cognitio est memoris annexa, & id, quod per reminiscētiā inueniri debet, vna, eademque vel genetis, vel speciei natura continentur, simul autem efficiuntur, quando illa ipsa in aliqua simul oppositione versantur, d quoniam oppositorū semper

b

lib. de motu
animaliū: t.
Ecph. 16.

c

5. ph. t. 31.

d

1. prior. c. de
resolut. syll.

6. top. c. I.

loc. 10.

5. p. phīę t. 16

7. p. phīę t.

23.

10. p. phīę t.

14

semper est eadem scientia : earundem vero cognitio rerum partem cognitionis illius, quod inueniendum est, obtinet, quando utraque inter se similia sunt; ea enim dicuntur similia, ^e quæ aliquo modo unam quampliam participant communem qualitatem, &, quatenus illam participant, unius cognitionis partem habere cognitionis alterius videtur. Quam obrem, si in quacunque illarum ante cognitarum rerum tanta inest, atque comprehenditur vis eius cognoscendi, quod in reminiscientiæ fine inuenturi sumus, & quod propterea reliquum totius reminiscientiæ est, profectò isthuc ipsum excitatum in anima, dum cognitionum, & inuentum est post cognitionem alicuius illarum rerum, parvum, & exiguum admodum reminiscientiæ particulam esse putari debet. Hoc igitur modo, & hac ratione conficitur, ac generatur reminiscencia : ex quo sic etiā querunt, & venantur ii, qui minime ita reminisci student, cum scilicet post rei alicuius cognitionis motum diuersum ab his, quos modo commemorauimus, in reminiscientia motus inuentus rei factus sit, sèpius tamen & ipsi reminisci solent, & inventionis motus in illis extare consuevit, cum alii rerum cognitarum motus, quales diximus, facti fuerint. Itaque reminiscientiam esse ex repetitis memoriis, & ex aliqua annexa cognitione inventionem cuiuspiam rei satis iam patere mihi persuadeo.

^e
S. P. phiet. 16

ARISTOTELES.

NIHIL autem oportet considerare, quæ longe distant, quo modo meminimus, sed quæ propinquæ sunt. Manifestum enim, quod idem est modus, quo dicit id, quod deinceps est, etiamsi non quæsierit ante, neque recordatus fuerit.

Confue-

Consuetudine enim se consequuntur motus inter se, hic post hunc. Et proinde, cum reminisci velit, hoc faciet, & quæret sumere principium motus, post quem ille erit. Quare celerrime, & pulcherrime fiunt ex ipso principio reminiscentiae. Ut enim se res habent inter se ex eo, quod dein ceps consistunt, sic & motus. Et ea sunt, quæ bene memoria comprehendendi possunt, quæcunque ordinem aliquem habent, quemadmodum mathematica; alia autem praeue, ac difficulter. Et hoc differt reminisci ab eo, quod est iterum discere, quod poterit aliquo modo per se ipsum moueri ad id, quod est post principium, cum autem non, sed per alium, haud item meminit.

ECPHRASIS VIII.

QVONIAM reminiscentia, ut vidimus, est ex repetitis memoriis, & ex alia adiuncta cognitione inuentio cuiuspiam rei, non est silentio prætereūdum, illas repetitas memorias esse rerum, quæ aut finitimæ, & iunctæ, aut remotæ inter se, atque disiunctæ sunt. Quapropter, cum ex hac memoriarum diuersitate diuersus etiam appareat reminiscendi modus, nihil sanè esse opus videtur, ut, quo pacto ex memoriis rerum inter se distantium, ac disiunctarum reminiscentia constituatur, consideremus: in talibus enim rebus memoria operatio per se clara, manifestaque est, cum videlicet ex rei vnius repetitione queratur, ac repeatatur deinceps alia. Sed, quia in reminiscentia, in qua memoria rerum inter se propinquarum, ac finitimarum adhibentur

bentur, ipsa memoriae actio latere, nobisque esse obscura
videtur, propterea qua ratione in eiusmodi rebus agimus
memoria, & operamur, considerandum omnino est. Nam,
si diligenter, acuteq. rem intueamur, ac perpendamus, pla-
nè perspiciemus, in utroque reminisci genere eundem
repetendarum memoriarum, quibus id, quod reminiscen-
do quærimus, deinceps inuenimus, atque pronuntiamus,
teneri, atq; seruari modum, quamuis propter eas propin-
quarum rerum memorias neque ante quæfisse quippiam,
neque esse recordati videamur. Etenim consuetudine, quæ
ex rerum propinquitate, & affinitate existit, vnius memo-
riæ motus statim alterius memorie motum ultro nullo fe-
rè negocio nostro sequitur, & comitatur. Itaque, cum re-
miniscētia quis vti velit, illud in primis curabit, ut eas usur-
pet memorias, quarum vna facile, expediteque subsequan-
tur alteram, ac simul operam dabit, vt vna, tanquam prin-
cipium totius reminiscentie sumat memoriam, cui motus
inueniēt rei per reminiscentiam consequens deinceps
fit. Quocirca, quæ reminiscentie ex suo proprio instituun-
tur principio, ex celerrime, atque optime consiciuntur.
Quem enim ordinem res ex eo, quod sese deinceps con-
sequuntur, obtinent, eundem animæ motus, quibus eadem
res aut memoria repetuntur, aut cognoscuntur, & inueni-
untur, retinent, ac seruant. Et quidem ea recte, facileque
memoriis comprehendi, ac repeti possunt, quæcunque, si-
cuti mathematica, ordine quodam, & serie inter se iuncta
tenantur. Mathematica enim theoremata coniunctione
tanta colligantur, & constringuntur, ut vnum deinceps ex
altero pendere, & nexus esse, ^a posteriusque sine priori
minime sciri posse, facile à perito intelligatur. Quorum
autem nullus est ordo, nulla est dispositio, ea ægre admio-
dum, ac difficulter memoriae, atque reminiscentiae viribus
subiici queunt. Vnde hoc etiam inter reminisci, & iterū

G discere,

^a
Eucl. oibis
libris elem.
1. post. t. 75.

discere (quæ similia quodammodo esse videntur) intereat; quod is, qui reminiscitur, propter memoriarum, quæ ordine aliquo inter se connectuntur, consecutione potest sumpta prima memoria, quæ est reminiscientiae principium, ad id repetendum, & comprehendendum, quod illi memoriae deinceps consequens est, moueri per se, ac peruenire; qui vero non potest sua sponte, & per se rei, quam prius nouerat, cognitionem reuocare, sed ad id assequendum alio eget, à quo denuo doceatur, hic non meminisse, aut reminisci, sed iterum discere censeri debet. Quamobrem, b. ut supra quoque ostendimus, efficacius est, atque maiorem rerum consequentium cognitionem reminiscendi, quam discendi, principium habet, siquidem illud ex rerum connexione, quasi institutum cursum ad reminiscendum tenere videtur, hoc autem ad discendum non item.

b.
huius lib. t.
Eph. 7.

Theorema. Discere non esse reminisci.

HIC, cum ex Aristotelis sententia cognoverimus, aliud esse reminisci, aliud vnam, eandemque rem iterum discere, illud quoque accedere, ac sequi videtur tum ex iis, quæ hoc in libro, tum ex aliis, quæ sparsim in vniuersa philosophia ab eodem traduntur auctore, ut discere à principio, quod ferè idem est, quod iterum discere, atque reminisci penitus inter se differant, discrepent, diuersaque sint. Verum, quia huic sententiae grauissima obstat auctoritas Platonis, qui omnē mentis nostræ, ac rationis cognitionem esse memoriam, & reminiscientiam, nihilque aliud à principio discere, quam reminisci censet, nobis percommodum in præsentia visum est, quid hac de re vterq; istorum summorum philosophorum senserit, & quibus etiam de causis ita senserit, paucis pro nostra virili exponere. Neque id quidem, quo tantam controuerstiam suscipere deci

decidendam audeamus, sed, ut cognitis, atque consideratis, quæ in utranchque dicuntur partem, & nos, quid sentiamus, in medium afferre, & doctissimus quisque de eadem re suum iudicium facere possit. Primum igitur Platonis proferamus sententiam; is enim in eo dialogo, qui Meno, seu de virtute inscribitur, quantum ego summatim, quod ad rem nunc nobis propositam faciat, colligere potui, hæc omnia ponit, animam hominis esse æternam, atq; immortalem, eamque alternis quibusdam seculis modo in corpore illud animando, modo extra corpus degere, ac propter talem degredi vicissitudinem in omnium rerum, quæ ubique sunt, cognitione, atque intelligentia esse versatam, ex eoq. factum etiam esse, ut ipsa in se omne genus contineat scientiarum, quæ tamen scientiæ, dum corporis compagibus anima constringitur, & distinetur, obliuione quasi contritæ, & obscuratae sint; & ideo, cum nos rei cuiuspiam cognitionem per sensus aliquo modo reuocamus, atque in memoriam redigimus, tum difficile non esse ex ea reuocata cognitione ob vniuersæ omnium rerum naturæ affinitatem, & cognitionem quiddam aliud querere, & inuenire, hanc autem inquisitionem, & inuentionem siue per nos, siue alterius ope suscepitam esse reminisciam, propterea quod reminisci est ex se ipso, & in se ipso scientiam sumere. Hæc totidem ferè verbis ex Platone expressimus, atque conuertimus. Ex quo, quia æterna, & immortalis est anima, & suum semper siue in corpore, siue extra corpus exequitur proprium cognoscendi, atque intelligendi munus, eam esse imbutam omnium rerum scientia, ipsamque scientiam, quamuis mole corporis obrutafit, sensuum tamen ministerio, ac rerum vniuersarum cognitione excitari, & quasi redintegrari posse existimat Plato; sicque & omnem cognitionem ex antea accepta quædam notione constare, & nos nihil à principio discere, sed

- a. h'li. t. Ecph. §2
 b. (9.10.) quasi agnoscendo omnia reminisci. Aristoteles autem,
 c. prior c. 26 et si cum Platone in eo conuenit, quod anima ut intelligen-
 d. post. t. 1. 3. di prædita æterna sit, & immortalis, & quod a reminisci,
 e. 4. s. vt apud eundem vidimus, ac mox etiam visuri sumus, sit
 f. h'li. t. Ecph. ex se ipso, & in se ipso scientiam sumere, ab illo tamē dis-
 g. 7. sentit, atque discrepat, quoniam b. discere, & reminisci in-
 1. de anima t. 65. 66. ter se prorsus distincta, atq; separata esse vult. Huius au-
 2. de aia. t. 21. tem distinctionis, ac separationis, quatenus ipse aſſequi po-
 3. dāiat. 19. 20. tui, causa est, quod statuit humanam mentem, seu intelli-
 4. aialium. c. 3. gentem animam, c. quoniam sola diuina, & æterna est, à
 5. p. phie. t.
 6. (17.51.) d. nutriente, ac ſentiente aliud animæ genus eſſe, propter-
 7. 2. de anima t. 21. 152. 155 eaque tum ad hominis perficiendam naturam extrinſe-
 8. c. 2. de aia. t. 24. 32. cus aduenire, tum f. tanquam æternum quiddam à mortali
 9. d. aia. t. 1. 5. separari poſſe. Itaque, cum per talem aduentum naturam
 10. 2. de gener. perficit hominis, primo illam quidem in ſtatu ſolum g. po-
 11. aialium. c. 3. tentiæ, & habilitatis eſſe, & ſic tunc ex h. ſeſe nihil plane
 12. f. intelligere; poſt vero, ſi i. ſcientiis, ac rerum formis, quaſi
 13. 1. de aia. t. 66. informetur, & reficiatur, k. eoq. modo intellectu patibi-
 14. 2. de aia. t. 21. li, atque mortali, l. in quo memoriæ viſ inefi, rurſum ſe,
 15. 3. de aia. t. 7. tanquam habitum quendam, ſeu formam impertuerit,
 16. g. (19. 20. m. eandem per ſe, ac ſua ſponte poſſe species intelligibiles,
 17. 3. d. aia. t. 5. 14. quæ in phantasmatibus ab ipſo patibili intellectu ſuppe-
 18. 1. (5. 14. ditantur, intelligere. At, cum extra corpus separata degit,
 19. 3. de aia. t. 8. nequaquam intelligere ea, quæ, dum eſt in corpore, per
 20. 15. 19. 27. phantasmata, & cum tempore intelligit, n. ſed ſine vlo
 21. k. phantasmate, & ſine tempore ſeipſam in primis ſempiter-
 22. 3. de anima. no æuo intelligere. Vnde memoriæ viſ, atque faculta-
 23. 1. 18. 30. 39. tem non in ipſa mente, ſed in patibili, mortalique intellectu, qui eſt communis ſeñſus, nec eſſario ſitam, atque loca-
 24. 1. 1. de aia. t. 66. tam eſſe. o Memoriam enim eſſe affectionem ſeñſus co-
 25. 3. de aia. t. 20. munis iam ſæpe repetitum, & demonstratum eſt. Ex his
 26. h'li. t. Ecph. ſiguntur eam eſſe Aristotelis ſententiā colligere licet, quod
 27. m. (3. anima intelligendi facultate vigens, quæ ſola æterna, &
 28. 3. d. aia. t. 18. immor
 29. 30. 32. 39. n.
 30. 32. 39. 3. de anima. ſup
 31. t. 10. 27. 1. 12. p. phie. t.
 32. o. (51. huius lib. t.
 33. Ecph. 3. 62.

immortalis est, & in qua nulla inest memoriae vis, neque in corpore, quæ extra corpus intellexit, neque extra corpus, quæ in corpore cognovit, meminisse potest, neque propterea, dum cum corpore coniugata, aut dum à corpore se iugata est, omnium rerum, quæ vbique sunt, scientiis aucta, atque ornata est. Ex quo fit, ut homines, cum rerum scientias, ac notiones mente, ac ratione comprehendunt, tum non reminisci, sed primo discere censerit debeant. Quamobrem si aliud discere, aliud reminisci est, sequitur, ut quid inter eorum utrumque intersit, ex eiusdem philosophi autoritate videamus. Nam hæc ambo partim inter se conueniunt, & partim differunt; conueniunt quidem, p quod utrumque ex antegressa quadam cognitione, tanquam ex principio, quo vel discamus, vel reminiscamur, constituitur, differunt autem, & primum, quia principiū, & antegressa discendi cognitio mente, ac ratione percipitur, id quod ex demonstrationum, & definitionum principiis facile intelligitur, reminisci uero principium, quoniam repetita quædam memoria est, non mente, aut ratione, sed communis sensu continetur, atque comprehenditur, deinde, q quia discendi, seu docendi principium late patet, ac tam multa rerum vel genera, vel species sub eo subiiciuntur, ut illo cognito nullius certi, definitiꝝ. aut generis, aut speciei cognitio sequatur, at reminisci principium ita cōtractum, & proprium est, ut omnia, quæ deinceps in reminiscentia assumuntur, & queruntur, r sibi adiuncta, & vel necessitate, vel consuetudine consequentia habeat. Ex quo præclare dictum à philosopho est, nos per nos reminisci posse, discere autem sine doctore, à quo scientiam, & doctrinam accipiamus, non posse; quoniam t discendi principium, cum magis vniuersale sit, plus potentia, reminisci autem, cum minus existat vniuersale, plus actus habet. Aliud igitur esse reminisci, aliud discere,

p
1. post. t. 1.
6. top. c. I.
loc. 17.
huius lib. t.
Eph. 9. 10. 5
11. 12.
1. p. phiz. t.
48.

q
I. post. t. 5. 8.
74. 84.

r
huius lib. t.
Eph. 8. 9. 10.
s
huius lib. t.
Eph. 9. 10.

t
33. p. phiz. 11

discere, ex his liquido constare philosopho authore arbitramur.

ARISTOTELES.

SAEPEN V MERO autem iam non potest reminisci, quærens autem potest, & inuenit. Hoc autem fit mouenti multa, donec talem ciuerit motum, cui consequens erit res. Meminisse enim est inesse facultatem mouentem, id autem est, ut ex se ipso, & ex motibus, quos habet, cieatur, ut dictum est. Oportet autem capessere principium. Quare ex locis videntur reminisci nonnunquam. Causa autem, quod celeriter ab alio ad aliud venit, ut à lacte ad album, ab albo ad aerem, & ab hoc ad humidum, ex quo meminit autumnum, hoc anni tempus inquirens.

ECPHRASIS X.

Quid inter sit inter eum, qui reminiscitur, & eum, qui denuo quipiam discit, demonstratum iam est. Quia vero is, qui reminiscitur sumpto reminiscentiae principio reliqua, quæ deinceps in reminiscentia principium illud consequuntur, potest per se, ac sua sponte cognoscendo assiqui, non est, ut quamvis in reminiscendo id euenire soleat, tamen semper ita promptum, & expeditum esse putemus, ut principio repetito reliquum statim reminiscentiae munus perficere queamus. Nam vsu sæpe etiam venit, ut ex illo iam principio rem, quæ inueniri debet, & est reminiscentia

scentiae finis, quia longè distat, & per alia complura interiecta cum ipso iungitur principio, comprehendere reminiscendo non possimus, at si illa interie&ta media querendo percurramus, possimus per reminiscētiā inuenire, quod quaerimus. Quod quidem fit, & ei contingit, qui tam multa media cognoscendo mouet, & excitat per illorum phantasmatā in anima, quo ad vnum tandem extiterit, cui res, quam ex reminiscētia quaerimus, consequens fuerit. Hoc autem per se facere posse reminiscētem, necesse est. Dū enim reminiscimur, meminisse etiam nobis opus omnino est; meminisse autē est habere intus in aīa uim, quæ nos ad id moueat, & excitet; hoc autē nihil aliud esse putare debemus, nisi ex nobis ipsis, hoc est, ex cōsignatis in anima phantasmatibus, & ex motibus, quibus illa phāasma pro arbitrio nostro intuemur, & contemplamur ad vsum memorie, atque reminiscētiae, sicuti diximus, cieri, sic tamē, ut reminiscēdi principium semper sumptum sit. ^a Est enim principium aliquo modo primum, & ^b causa eorum, quorum est principium. Quamobrem ex locis, hoc est, ex rebus ita inter se nexas, & implicatis, ut quasi vna nascatur ex alia, quæ, quatenus arbitratu nostro aliud referunt, sub oculis ponuntur, facilius interdum, & commodius reminisci uidemur. Causa autem est, quod propter illam connexionem, & implicationem in eiusmodi rebus ab vna ad alteram, & ab altera deinceps ad aliam animus cito se cōuertit, & transfert. Ut si autumnum expedite reminisci vellemus, huiusc reminiscētiae aptum sumeremus principium, orbem lacteum à grācis lac appellatum, ^c qui in aeris suprema efficitur regione. Ex eius enim contemplatione nobis illius candor statim in mentem veniret, ex tali autem candore, qui sine aere constare non potest, aer ^d ipse mox occurreret, ex aere autem, qui tum sua natura, tum humore aduentitio est humidus, cogitationi nostrae

^a s. p. phīē t. 1.
^b s. de generat.
^c aīaliu. c. 7.

^c 1. Meteo. c. 10

^d 2. de genera-
tione, & cor-
rup. t. 16. 23.

continuo

continuo humidum subiiceretur, ex quo autumnum, si id quæreremus, nobis facile, quia omnium anni temporum esse maxime humidum solet, quasi se sua sponte offerret. Sic igitur in eiusmodi rebus, quas locos appellare consueuimus, quam expeditus sit reminiscita cursus, apparet.

ARISTOTELES.

VI D E T V R autem vniuersale, & medium omnium principium. Si enim non prius, cum ad hoc venerit, meminerit, vel neutquam amplius aliunde; vt si quis intellexisset, in quibus A B C D E F G H. Si enim non meminit ipsius H. E, supra ipsum E. H meminit. Hinc enim ad ambo moueri contingit & ad H, & ad E. Si autem non horum aliquod inquirit, ad c. profectus meminerit, si G, vel F. inquit. Si vero non, ad A, & sic semper. Ut autem ex eodem interdum meminerimus, interdum vero non, causa est, quod ad plura contingit moueri ab eodem principio, vt ab c, ad F, vel ad D.

ECPHRASIS XI.

VT recte, celeriterque reminisci possimus, statim esse capessendum proprium reminiscita principium cognouimus: sed quale huiusmodi principium debeat esse, quia nondum declaratum est, omnino restat, vt declaretur. Atque ea quidem declaratio longe planior, faciliorque erit, si nunc id, quod paulo infra demonstrabitur,

pro

pro comperto habuerimus, ^a reminiscientiam esse, tanquam syllogismum quendam. Quia vero ^b in omni syllogismo principium, & causa conclusionis est quiddam universalē, quod medium dici solet, propterea etiam in reminiscientia, quod vniuersale, & medium est, per quod ad inventionem rei, tanquam ad reminiscendi conclusionem, & finem peruenimus, principium reminiscientiae censeri, atque haberi debet. Nam si non possumus ante illius vniuersalis, ac medii comprehensionem aliqua meminisse, ubi illud comprehendenderimus, & meminisse, & inuenire, quæ volumus, reminiscendo facile licebit. Quod scilicet aut ita fiet, aut ne aliud quidem, unde meminisse, ac reminisci queamus, extare poterit. Id autem hoc modo perspectum commode habebimus, vt si quis iam nosset, quæ se deinceps consequentia his literarum notis A B C D E F G H. significantur, exempli gratia sit A, athenienses vā stasse finitimorum agros, B, contra eosdem præterea suscepisse bellum, C, illud male gestum, D, intolerabilia exacta tributa, E, bona multorum ciuium uendita, F, non nullos inopia affectos, G, ad bellum profectos, H, illorum denique familias extinctas. Si enim duo ista H. E, quæ aliud prius se, atque superius habent, sine iis, quæ sunt interiecta, meminisse ad conficiendam reminiscientiam non possumus, cum ad id, quod supra illa est, peruererimus, hoc est, cum ipsum D, quod prius, & vniuersalius, & medium est, quo ambo illa meminimus, memoria repetierimus, & comprehendenderimus, perbelle eorum vtrunq; deinceps meminisse, comprehendereq. poterimus. Nam ex repetitione, & comprehensione ipsius D, ad repetenda, & recolenda ipsa H, & E, nos facile excitari possumus. Si uero neutrum horum inquireremus, sed aut G, aut F, reminiscendo meminisse vellemus, quia istorum vtrunq; prius est, & superius, quam ipsum H, iure per C. quod al-

H tius,

^a huius lib. t.
Ecph. 15.
^b
1.priox c. 5. 6
7.de fig. syll.
1.post. t. 8. 1.
91

tius, ac superius est, quam D, ipsorum alterutrum memoria repetendum, recolendumq. esset. At, si neque F, neq; G, sed aliquid etiam ipsis omnibus superius repetere vellemus, relinquetur, quia cætera omnia consumpta sunt, ut illud esset ipsum B, quare ad A, supremum principium esset progrediendum. Atque in omnibus reminiscentiis hoc modo semper faciendum est. Cur vero, cum illud uniuersale, ac medium, quod est reminiscentia principium, animo complexi fuerimus, interdum ea, quæ deinceps sequuntur, meminimus, interdum autem non, eam debemus existimare causam, quod ab eodem principio, (quoniam principium sua natura principium multorum est) non solum ad unum memoria repetendum, sed ad plura, ut ab C, tanquam à principio tum ad F, quod longius abest, tum ad D, quod proprius est, moueri possumus. Quamobrem minime mirum, si nonnunquam animus in reminiscendo suspensus, atque ambiguus est.

ARISTOTELIS.

SI igitur non per obsoletum mouetur, ad id mouetur, quod consuetudine coniunctius naturæ factum est. Tanquam enim natura iam consuetudo. Quare, quæ saepe animo recolimus, celeriter reminiscimur. Quemadmodum enim hoc natura est post hoc, sic etiam actione. Ipsum autem saepe naturam facit. Quoniam autem, sicut fit in iis, quæ natura constat, & præter naturam, & à fortuna, etiam magis in his, quæ propter consuetudinem fiunt, quibus sane natura non simili-

ter

*s. de gener.
strialium. c. 7.*

ter inest; ut moueamur interdum & ibi etiam aliter, præsertim & cum abstrahat inde illhuc aliquo modo. Propter hoc & cum opus sit nomen commemorare, sublimile quidem, non autem illud, per solœcismum efferimus. Reminisci igitur hoc accedit modo.

ECPHRASIS XII.

REMINISCENTIAS principium esse vniuersale, ac medium, quo cætera reminiscendo comprehendimus, satis, nisi fallor, planum iam factum est. Cum autem ^a omne vniuersale in anima contineatur, profectò aut sic contine-
ri potest, ut crebra, frequentiæ. animæ cōtemplatione cul-
tum vigeat, & quodam modo efflorescat, aut, ut rara, at-
que intermissa consideratione, & animaduersione, tan-
quam incultum squelet, & obsolescat. Si igitur ex eo re-
miniscentia principio, quod non sit obsoletum, & squali-
duni, sed vigeat, & contemplationis cultu, quasi nitescat
in anima, ad reminiscendum ciemur, ea nimirum deinceps
reminiscendo comprehendimus, quæ, quia illi principio,
quod sapientia iam nostræ cognitione repetiuimus, annexa,
& consequentia sunt, naturæ nostræ admodum affinia, atq;
coniuncta propter iteratam, ac consuetam eius principii
notionem esse facta necesse est. Consuetudo enim con-
tracta ex crebra eiusdem rei, atque repetita contem-
platione ad naturæ uim proxime iam accessisse videtur. Ut
enim ^b natura principium est, & causa per se, ut illud, in
quo primo inest uno, eodemque modo semper sua sponte
moueat, sic consuetudo ex frequentatis actionibus in-
genita reddit eum, in quo est, promptum, atque propen-

H 2 sum

2. post. t. 104.
2. de aia. t. 60
1. p. phiz. c. 1

b
2. p. n. t. g.
5. p. phiz. t. g.
6. p. phiz. t. t

sum ad idem semper agendum, & efficiendum. Quapropter, quæcunque animo s̄epe tractamus, & recolimus, ea facile, expediteq. reminisci, & possunus, & solemus. Nā, quemadmodum vnum natura est consequens alteri, vt in pueris nutritioni accretio, sic etiam conueta, ac repetita s̄epeius actione fit, vt consuetudine vnum consequatur alterum in agendo, & operando, veluti exempli gratia, si quis post cœnam semper inambulare consuesceret. Nanq; ipsum s̄epe, atque ipsa iteratio uim, ac naturam consuetudinis parit. Quia vero cōsuetudo æmula, & imitatrix esse naturæ uidetur, consentaneum est, vt, si in his, quæ natura gignuntur, fit interdum id, quod est præter naturam, & à fortuna, seu à casu, hoc est, vt illud, quod generatur, imputatum ab aliqua extrinsecus nascente causa finem suum certum, & naturalem non assequatur, multo etiam magis in iis, quæ consuetudine geruntur, & efficiuntur, continget, vt homines aliqua abducti causa præter consuetudinem nonnunquam quippiam agant, propterea quod hæc, quæ consuetudine efficiuntur, non tam firmam, atque cōstantem naturam, quam illa, quæ naturaliter fiunt, obtinent. Ex quo aliter, atque consuetudo fert, aliquando ad agendum moueri videmur. Idque in primis, cum similitudine aliqua partim ad idem, partim ab eodē abstrahimur, atque auocamur. Itaque etiam, cum nomen aliquod nobis memorare sit opus, neque illud perfecte teneamus, non illud quidem, sed aliud non prorsus ei dissimile vitiose, mendosèque pronuntiare solemus. Quo igitur modo reminiscientia generetur, & homines reminisci consueverint, dictum hactenus est.

ARISTOTELES.
Quod autem maximum est, cognoscere oportet

tet tempus vel mensura, vel indefinite. Est autem aliquid, quo iudicat longius, & breuius; iure autem, quemadmodū magnitudines. Intelligit enim magnas, & procul non porrigo illuc intellectum, sicuti usum nonnulli aiunt, (nam etiam si non sint, similiter intelliget,) sed ratione quadam mouebit. Sunt enim in ipso intellectu similes figuræ, & motus. Quid igitur intererit, cum maiores intelligit? Nempe, quod illas intelligit minoris. Quemadmodum enim omnes minores, quæ intus sunt, proportionem inter se habent, etiam quæ extra. Est autem fortasse, ut & formis proportionem sumere, sed in ipso, sic etiam spatiis; ueluti si per lineam A. B. B. E mouetur, facit lineam A. D. Proportionem enim inter se linea A. C., & linea C. D habent. Cur igitur magis lineam C. D, quam lineam F. G facit, si ut linea A. C, ad lineam A. B se habet, sic linea H, ad lineam M, se habet? Per has igitur simul etiam mouetur. Si autem lineam F. G velit intelligere, lineam quidem B. E. similiter intelligit, sed pro linea H. I, lineas K. L intelligit. Ipsæ enim se habent, ut C. A, ad B. A.

E C P H R A S I S. X I I I.

Qvīa reminiscientia, ut diximus, ex memoriis constat, omnis autem memoria cum aliqua temporis præteriti cognitione est, propterea ad perfectam, & absolutam reminiscientię

niscentiæ constitutionem in primis cognitio quædam temporis adiuncta sit, necesse est. Itaque, cum reminiscen-
tia principium esse aliquam memoriam oporteat, caput in
reminiscendo videtur, ut tempus vel certo quoipam ter-
mino definitum, vel nullo termino comprehensum, ac fi-
nitum cognoscamus. Utroque enim modo illud noue-
rimus, nobis ad reminiscendum satis esse existimare debe-
mus. Atque in nobis sane inest ratio, qua non solum incer-
tum, & indefinitum tempus, quemadmodum belluae, sed
breue etiam, & longum, quorum alterutrum sit certo ali-
quo fine terminatum, discernimus, ac dijudicamus. Et id
quidem iure optimo, sicuti etiam a ea ipsa ratione magni-
tudines iudicamus, atque cognoscimus. Nam & prolixas
magnitudines, & eas, a quibus longe absimus, ratione co-
prehendimus, & intelligimus, non ad illas videlicet, quæ
procul sunt, protendentes, ac porrigitates rationem, quem
admodum, si quæ res videri debeat, ad eam usque pro-
duci, atque proferri uisum, & cum illa coniungi nonnulli
opinantur, & asserunt, (nā etiam si nullæ tales extant ma-
gnitudines, cueluti mathematicæ, ipsas tamē similiter, ut si
essent, intelligere solemus,) sed nostrarum cognitionum
motibus easdē in anima aliquo modo ciētes, ac percipientes,
Illarum enim magnitudinum, quamvis vel non sint, vel
procul absint, similes tum figuræ, tum notionum motio-
nes, quibus intellectiones efficiuntur, d ratione conceptæ
tenantur. Quod autem consentaneum sit, ut, quemadmo-
dum magnitudines ratione percipimus, & intelligimus,
sic etiam tempus percipere, & intelligere queamus, ex eo
palam esse potest, e quod motus in aliqua semper magni-
tudine fit, tempus autem affectio quædam ipsius motus
est. Quare, ut usque ad longe distantes magnitudines ne-
quaquam, quo eas intelligamus, rationem extendimus no-
stram, sic usque ad præteritum iam tempus, aut futurum,
quo

^a
3. de anima c. 23

^b
lib. 3 sensu,
& sensib. c. 2.

^c
1. post. c. 80.
63. p. phis c. 3

^d
3. de anima.
8. 3. 11. 38-39.


^e
4. ph. c. 99.
113. 115.
5. p. phis c. 18

quo illud cognoscamus, minime eam ipsam rationem extenderet nobis necesse est. Cum igitur & maiores magnitudines, & minores intelligere possumus, quid interest inter maiores, atque minores intelligere? Id certe interest, quod, cum maiores intelligamus, etiam minores ipsas intelligimus. Nam, ^f quia minus in maiore includitur, & omnis plana, atque solida magnitudo sic distingui potest, ut illius una pars exterior, ac maior, altera autem interior, ac minor constituantur, si igitur magnitudo aliqua ita distingueretur, certe quas proportiones inter se interioris, & minoris magnitudinis particulæ haberent, easdem. s. proportiones inueniri etiam in particulis exterioris, atq; majoris verisimile, vel potius necessarium esset. Sed, ^g cum proportionis notitia propria sit mathematicæ disciplinæ, cuius contemplationi ^h species magnitudinum, tanquam à materia sensibili seiuuncte subiiciuntur, commodius fortasse dicemus, qualis in ipsis speciebus, quæ animo conceptæ sunt, proportio inesse intelligitur, talem in spatiis, & interuallis tam interioris, quam exterioris magnitudinis, ex quarum utraque species illæ sunt exceptæ, proportionem reperi, & constitui debere. Veluti si una nobis plana magnitudo quadrata proponeretur, eaque sic distincta esset, ut unum minus quadratum in altero maiore quadrato descriptum cōtineretur, si igitur ab una parte minor magnitudo in hæc spatia A B C D E distingueretur, & ab eadem parte maior in ista F G H I K L M,

^f
2. de partib.
zaliū. c. 17.

^g
Eucl. 5. elem.
in princ.

^h
1. post. t. 10.
2. ph. t. 18.
I. de zīa. t. 17
3. d. zīa. t. 35:
6. p. phig. t. 2
7. p. phig. t. 35
13. p. phig. c.
3



& sic,

& sic, ut suæ vtrisque spatiis inessent proportiones, tum quidem, si per totam ipsam transuersam magnitudinem fieret motus, quo in minore, & interiore magnitudine hæc duo spatia A. B, & B. E, quæ tripla sibi inter se se proportione respondet, efficerentur, eodem profecto motu spatium etiam A. D, necessario constitueretur. In proportione n. maioris inæqualitatis semper minoris inæqualitatis proportio, quæ sit earundem quantitatū, continetur. Cū igitur tripla proportio, quæ inter superiora duo spatia A. B, & B. E uersatur, sit maioris inæqualitatis, quād dupla, opus est, ut ex illis duobus spatiis dupla proportio earundem quantitatum elicita sit; ea autem est inter spatium A. C, & spatium C. D. Itaque, quoniam ipse motus percurrit omnes, ut diximus, totius propositæ magnitudinis transuersas partes, nulla esse causa videtur, cur magis in interiore, ac minore magnitudine efficiat spatium C. D, modo commemoratum, quād in exteriore, atque maiore magnitudine spatium primum F. G eiusdem quantitatis, siquidem proportio, quæ dupla est inter spatium A. C, & spatium A. B minoris magnitudinis, similis inter spatium, quod est ab initio maioris magnitudinis usq; ad H, & reliquum totū spatium usque ad M, finem eiusdem magnitudinis esse perspicitur. Quamobrem per hæc quoque spatia motus eo ipso tempore efficitur. Ex quibus manifestissime constat, quales in interiore, ac minore magnitudine inueniuntur proportiones, tales etiam in exteriore, atque maiore itidem inueniri. Quod autem, dum intelligimus maioris magnitudinis proportiones, ipsius quoque minoris omnes intelligamus, ex eo perspici potest, quod si quis intelligere velit in maiore magnitudine proportionem maximæ inæqualitatis, quæ est quincupla, & uersatur inter spatium F. G. & reliqua omnia spatia eiusdem magnitudinis, necessario etiam intelliget triplam parium quantitatū

tatum proportionem, quæ, cum sit minoris inæqualitatis, in eadem magnitudine, & in illa superiore proportione continetur. Quia vero hæc tripla proportio in minore magnitudine est maximæ inæqualitatis inter spatia B. E, & A. B, fit, ut intelligendo illam maioris magnitudinis triplam proportionem, simul etiam minoris intelligat eandem pariter triplam proportionem. Itaque, cum hæc tripla proportio in minore magnitudine separatim cognita sit, superuacaneum videretur eandem item separatim cognoscere in maiore, ideo pro hac proportione, quæ in ipsa maiore magnitudine est inter spatium H, I. & reliqua spatia consequentia eiusdem maioris magnitudinis, intelligere decet proportionem duplam, quæ est inter spatia K. L, & L. M. Hæc enim spatia eadem habent inter se proportionem, quam habet spatium C. A, ad spatium B, A. Quamobrem, cum ex intellectione maioris magnitudinis, & proportionum, quæ in illa sunt, intelligatur simul etiam minor magnitudo, & proportiones, qua in ea continentur, sequitur, ut cognito item longiore tempore breuius quoque simul cognoscatur.

ARISTOTELES.

CVM igitur simul & rei, & temporis factus fuerit motus, tum ille agit memoria. Si autem putat non faciens, putat meminisse. Nihil enim prohibet decipi aliquem, & uideri meminisse, etiam si non meminit. Agentem autem memoria non putare, sed latere eum, quando meminit, non licet, (hoc enim erat ipsum meminisse,) sed, si rei motus sine temporis motu, vel hic sine illo factus

I fuerit,

fuerit, non meminit. Temporis autem motus duplex est. Interdum enim mensura non meminit ipsum, veluti quod tertio die, sed tamen, quod tunc fecit; interdum autem & mensura; sed meminit, etiam si non mensura. Consueuerunt autem dicere, quod meminerunt quidem, quando autem, non sciunt, cum non cognoscant hoc, quando mensura quanta.

ECPHRASIS XIV.

In utenda & memoria, & reminiscientia oportere potissimum cognosci tempus vel certum, & definitum, vel incertum, atque indefinitum, idque homini facile factu esse, siquidem in eo ratio inest, qua & longum, & breve tempus, sicuti & magnas, & paruas magnitudines, intelligit, declaratum iam est. Ne quis igitur, dum memoria, & reminiscientia vtitur, decipiatur, atque in aliquem incurrat errorem, illud tenere necesse est, quod ad perfectum usum memoriarum, sine qua reminiscentia esse non potest, necessario anima cieri, atque moueri debet tum ad reuocandam pristinam rei notionem, tum simul ad tempus vel definitum, vel indefinitum, quo rem illam prius nouit, recollendum. Quicunque igitur hunc utrumque simul efficit in anima motum, hoc est, & rem aliquam meminit, & simul tempus aut definitum, aut indefinitum, quo ipsam rem ante aliquo percepit modo, agnoscit, is memoriae vero fungitur munere; si autem opinatur se facere eos simul geminos motus, & re vera non facit, potest quidem existimare se meminisse, attamen neque meminisse, neque reminisci ullo pacto putandus est. Nihil enim prohibet, quo minus quis

quis fallatur, ac decipiatur, & quando nō vere, perfecteque meminit, se meminisse sibi persuadeat. At, qui memoriae actione fungitur, vereque meminit, hoc est, in repetenda rei notione simul præteritum tempus aut definitum, aut indefinitum cognoscit, fieri nequaquam potest, ut ille putet tunc se non meminisse, sed, etiam si meminit, lateat ipsum se meminisse. Isthuc enim, id est memoriae actione fungi, & meminisse, & hoc non præterire illum, est meminisse. Sed, cum motus, quo rem memoria repetimus, sine motu, quo tempus simul cognoscitur, aut hic sine illo in alicuius anima extiterit, tunc quidem certe is non meminit. In quo illud tenendum est, quod supra quoque diximus, motum cognoscendi temporis, dum meminimus, duplicum esse. Aliquando enim quippiam meminimus recolentes tempus nulla terminatum mensura, sicuti esset tertio, quartouer die, sed tantum nos quondam id fecisse, vel nouisse memoria repetimus, aliquando autem, quæ perfectior quidem memoria est, certa quadam vel horarum, vel dieturum, vel mensium, & annorum mensura meminisse solemus. Verumtamen meminimus, quamuis minus perfecte, etiam si cum nulla temporis certa mensura munus exequamur memoriae. Id quod ex communi hominum consuetudine, atque opinione facile intelligi potest. Confueimus enim sè penumero dicere nos meminisse quidem quippiam rem, quando autem ea fuerit nescire, aut non memoria tenere, cum non agnoscamus, atque teneamus per aliquam quanti, id est, temporis definitam mensuram, quando res illa extiterit, nobisque nota fuerit. Est enim ^a tempus quantum, quia sequitur motum, motus autem, quia sequitur magnitudinem, quæ est per se quanta, in qua sit, & ^b mensura eiusdem esse debet generis, ac naturæ, cuius est id, quod metimur; quare mensura temporis iure tempus est.

^a
3.p.hic.t.70.
4.p. t. 113
5.p.phic.t.
18.

^b
5.p.phic.t.12
40.p.phic.t.4
14.p.phic.c.3

ARISTOTELES.

Quod igitur non iidem sunt, qui memoria,
 & qui reminiscensia valent, dictum est in iis, quæ
 prius tradita sunt. Differt autem meminisse ab eo,
 quod est reminisci, non solum secundum tem-
 pus, sed, quod multa etiam aliorum animalium
 participant ipsum meminisse, reminisci autem nul-
 lum, ut ita dicam, eorum, quæ nota sunt, anima-
 lium, prærerquam homo. Causa autem, quod re-
 minisci est, tanquam syllogismus quidam. Quia
 enim prius audiuit, vel vidit, vel sic aliquo modo
 affectus est, ratiocinatur reminiscens, & est, tan-
 quam inquisitio quædam. Hoc autem, quibus &
 vis consultandi inest, natura solis accedit. Etenim
 consultare syllogismus quidam est.

E C P H R A S I S XV.

In memoria, atq; in reminiscensia, & rei prius cognitæ repetitionem cum aliqua præteriti temporis agnitione, & aliquam temporis agnitionem cum rei iam cognitæ repetitione coniungendā esse modo planè declaratū, atq; monstratū est. Qua quidem in re etsi memoria, & reminiscensia inter se conueniunt, illarum tamen naturæ aliæ, atque diuersæ sunt. Quamobrem illa maneant, rataq; habeantur, quibus inter se differre & eos, qui ad memoriae, & eos, qui ad reminiscensiae usum aptiores, & expeditiores sunt, initio tradidimus, & explicauimus. At, si iii, in quibus

bus memoriae, & reminiscentiae vsus, & actiones insunt, inter se distant, atque differunt, profecto sequitur etiam, ut actiones ^a ipsæ per se, hoc est, meminisse, ac reminisci, quia cum illis ut coniugata separatim consociantur, inter se pariter differant, atque discrepent. Non solum igitur illud inter meminisse, & reminisci interest, quod meminisse, sine quo reminisci, ut persæpe diximus, esse non potest, prius tempore, quam reminisci, est, sed hoc etiā, quod meminisse in compluribus quoq; animalibus rationis expertibus, reminisci autem in nullo prorsus, ut uno verba dicamus, eorum animantium, quæ in nostram peruenierunt cognitionem, preterquam in homine esse apparet. Et causa quidem est, quod sine rationis opera nequaquam reminisci possumus. Est enim reminisci, seu reminiscens, tanquam syllogismus, & ratiocinatio quædam. Nam, quia ante audiuius aliquid, vel vidimus, vel aliquo modo percepimus, quando reminiscimur, ratiocinando inuestigamus illud, quod reminiscendo inuenturi sumus, & id quidem est, tanquam inquisitio quædam, quæ sine rationis munere effici nequit. Ex illa enim pristina rei repetita cognitione, tanquam ex reminiscentia principio reliqua deinceps consequentia, quasi ratiocinando querimus, atque reminiscendo inuenimus. Sed, ^b cum ratiocinari, & consultare sint opera quædam rationis inter se proxima, & simillima, iure factum est, ut homines tantummodo, quibus solis etiam vis inest consultandi, natura reminisci, & ratiocinari possint; est enim consultatio ratiocinatio quædam.

ARISTOTELES.

Quod autem corporale quiddam affectio sit, & reminiscens inquisitio in tali phantasmate, signum

^a
2. top. c. 3.
loc. 29.

^b
6. Eth. nic. c. 1
3. de anima t. 33

signum est, quod interturbantur aliqui, cum non possunt reminisci, & nihilominus, si magnopere cohibeant rationem, atque non amplius conentur reminisci, & maxime melancholici. Hos enim phantasma mouet maxime. Causa autem, cur non in ipsis sit reminisci, est, quod quemadmodum iaculantibus non amplius in ipsis est sistere, sic & reminiscens, & venans mouet corporeum quidam, in quo est affectio. Maxime autem perturbantur, quibus humor consistit circa sensituum locum. Non enim facile desinit moueri, quoad occurrit, quod quæritur, & recta processerit motus. Quare & timores, & iræ, cum mota fuerint, rursum reluctantibus his, non sedantur, sed contraurgent ad idem. Ac similis affectio est non minibus, & cantilenis, & sermonibus, cum aliquod eorum in ore etiam, atque etiam habitum fuerit. Iis enim qui canere, & loqui destiterint, ac nolint, rursus canere, atque loqui succurrit.

ECPHRASIS XVI.

DISCERNUNTVR in primis, atque internoscuntur meminisse, & reminisci, quemadmodum ostendimus, ex eo, quod meminisse ab omni prorsus societate, & operatione rationis sua natura sciendi potest, ut in belluis, reminisci autem nullo modo potest. Cum autem ea ipsa ratione homines aut species rerum sensibiles, seu phantasmatata, que corpori mixta sunt, aut species intelligibiles, tanquam ex

^{3. de aia. t. 30}
^{39.}
huius lib. t.
Ecph. 34.

b ex phantasmatis exemptas intelligunt, profecto, si animum attenderimus, non speciem intelligibilem, dum reminiscimur, sed phantasma per rationem à nobis cognosci, ac percipi perspectum habebimus. Nam, si reminiscientiae principium est repetita quædam memoria, quam esse phantasmatis comprehensionem demonstrauimus, consentaneum certe est, quo tota reminiscencia sibi ipsa consentiat, & similis sit, ut illius reliquum usque ad finem, quasi quærendo, & ratiocinando in phantasmatum pariter comprehensionibus versetur, ac retineatur. Quod igitur & affectio ipsa, siue conceptus animi, quem reminiscendo comprehendimus, sit phantasma, quod corpori admixtum est, & reminiscencia inuestigatio, & inquisitio quædam in eiusmodi phantasmate versans, id nobis argumento esse potest, quod nonnulli, (quia, c. vt supra diximus, ab eodem reminisci principio ad plura moueri licet,) quando reminisci ingrediuntur, & non possunt, magnopere intestina turbantur commotione, neque vero minus idem illis contingit, cum à reminiscendo cohibere rationem nituntur, nec amplius, ut reminiscantur, operam dant; id quod maxime solet euenire iis, in quibus atra bilis copia inest. Tales enim homines, d. quia propter atram bilem uiflatus, atque spiritus, qui e summe aptus ad mouéendum est, abundant, facile, valdeq. ab excitato in anima phantasma te mouentur, ac turbantur. Nec ea quidem interior commotio, & turbatio, quæ corporalis est, inquam existere posset, nisi phantasma, quod à reminiscientiae principio nostra contemplatione excitatum est, & nos mouet, f. in corpore defixum, quasi corporatum consideret. Quamobrem cum g. eandem habeat materiam communem cum corpore, merito, dum motum, seu excitatum est, interiores corporis partes sibi proximas statim mouet, & spiritu præcipue, qui maxime mobilis habetur. Causa vero, cur,

b

3. d. aia t. 32.
39.

c

huius lib. t.
Eph. 11.

d

lib. de som.
c. 3.

e

2. Meteo. c. 8.

f

huius lib. t.
Eph. 4.

g

1. de genera-
tione, & cor-
rup. t. 45. ss.
54.

cum

cum ad reminiscendum fuerimus aggressi, & propterea etiam commoti erimus, in nostra non sit potestate ab ea reminisci commotione, si velimus, & cupiamus, descendere, atque desistere, talis est, quod in reminiscendo nobis simile quiddam euenit, ut iis, qui iaculantur, euenire solet. Ut enim illi, postquam iecerunt, & emiserunt telum, nullam habent amplius facultatem eius retinendi, atq; sistendi, quia eorum iam euasit potestatem, sic nos, cum reminiscendo indagamus aliquid, & venamur, mouemus cor,

h

2. de partib.

aialiu c. 1.7.

3. de partib.

aialiu. c. 4.5.

lib. de motu

animaliu t.

Eph. 18.10.

2. de gener.

aialium. c. 4

i

lib. de motu

aialium. tex.

Eph. 21.

k

3. de partib.

aialiu . c. 3.4.

lib. de motu

animaliu t.

Eph. 19.

l

2. de partib.

aialium. c. 4.

3. de partib.

aialiu. c. 3.4.

1

2. de partib.

aialium. c. 4.

3. de partib.

aialiu. c. 3.4.

propriam animæ sedem, in quo quidem corde, & in qua anima simul, sicuti initio diximus, phantasma impressum, & consignatum est: vbi vero cor ex phantasmatis excitati contemplatione motum est, is videlicet motus iure nostram elapsus est potestatem, quippe quod i cordis motus nullis nostræ voluntatis viribus teneri potest. Sed maxime omnium sic moueri, ac turbari solent ii, in quorum corde, k quod est & sensuum principium, & sanguinis fons, atque receptaculum, tenuis, liquidus, & humidus admodum sanguis continetur. Nam, dum reminiscimur, anima ex phantasmatis contemplatione afficit, & mouet cor, ac simul etiam illum liquidum, & humidum sanguinem, qui in eo est, qui, quia ad omnem mutationem per facilis est, non prius desistit moueri, quam id, quod queritur, se obtulerit, & reminiscientæ motus ad suum finem recta progressus fuerit, atq; peruererit. Quapropter etiam timores, & iræ, l quæ in corde itidem sanguinis uel calore, vel refrigeratione suscitantur, vbi in talibus hominibus excita sunt, non ita cito, ac facile sedantur, quamvis illi ipsi homines rursus ea cohibere, atque comprimere contendant, sed contra tum ad timendum, tum ad irascendum mouent, vrgent, & impellunt. Atque in iisdem hominibus affectio ipsa, hoc est, timor, vel ira efficere idem uidetur, quod nomina, cantilenæ, & sermones efficiunt, cum ipso-

rum

rum aliquod crebra , frequentique usurpatione habitum
in ore fuerit. Vt enim nomē , & cantilena , & sermo ,^m quæ
ex spiritu maxime mobili ab anima respirato formantur ,
si repetita s̄epe , & usurpata fuerint , etiam si vel canere ,
vel nomen illud , vel sermonem formare , proferreque de-
sierimus , ac noluerimus , tamen ob contractam enuntiandi
consuetudinem nobis s̄epe imprudentibus , & inuitis cum
mobili spiritu formata facile in buccam veniūt , sic timor ,
& ira , vbi excitata , & ingenita sunt in illa humidi sanguini-
nis facili mutatione , & affectione , quæ apta admodum est ,
vt non solum cōtinuetur , sed etiam , vt augescat , durare , ac
longius progrederi ipsis hominibus etiam nolentibus , atque
reluctantibus uidetur . Quamobrē , vt ad institutum reuer-
tamur , phantasma esse , quod ex impressione facta in corde
in reminiscendo per rationē comprehenditur , ex his patet .

*Theorema. Quomodo aliud memoria , & aliud
reminiscientia sit .*

EX huius libri doctrina tum quid memoria , tum quid
reminiscientia sit , hactenus demonstratum est . Ex quo
etiam sine memoria reminiscientiam esse non posse expla-
ratissime comperimus . Vnde memoriam , & reminiscen-
tiam aliquo modo inter se conuenire necesse est . Verum ,
quia ex iis , quæ proxime deinceps tractata sunt , cognoui-
mus non solum , quemadmodum initio exposuimus , eos ,
qui memoria , & eos , qui reminiscientia ualent , ut tales exi-
stunt , inter se prorsus differre , sed etiam memoriam , seu
meminisse aliud omnino , atque diuersum esse à remini-
scientia , & ab eo , quod est remitsi , propterea nostras esse
partes intelleximus , ut in præsentia ex alto causas repe-
tententes , quomodo aliud memoria , & aliud remini-

K scientia

74 D E M E M O R I A
scentia sit. perspicere mus. Id autem multo melius, multo que facilius fieri posse iudicauimus, si quæcunque de illarum utriusque natura separatim dicta sunt, ea seorsum in unam conferremus summam, quam ob oculos animi nostris ponemus. Itaque de memoria hec accepimus, primū quæcunque aliquo præterito tempore fuerunt cognita, atq; percepta sensibus, illa per se, ac suorum phantasmatum contemplatione in nostram cognitionem memoria reuocari posse, quæcunque autem intellectu nouerimus, ea quidem non per se, sed per phantasmatum alienam naturam nobis etiam meminisse licere; ita memoriam esse phantasmatis per se comprehensionem, & quasi renouata hoc modo rei cognitionē; & quia illa præterita cognitionē in sensu constitit, ac phantasma est communis sensus affectio,

- a 3. de anima. 3. 6. 9. 10. 11.
b 37. 38. 39.
2. de aia. t. 146. 147. 148.
3. d aia. t. 32.
37. 38.
c 3. de aia. t. 10
11.
d 1. post. t. 105
2. post. t. 107
2. de anima
t. 157.
3. d aia. t. 21.
26.
e 1. post. t. 11.
2. post. t. 107
6. Eth. nic. c.
6.
f 7. p. phic. t.
49.
- propterea memoriam esse communis sensus habitum quedam, & actionem perspeximus. De Reminiscentia autem antequam, quæ repetenda sunt, repetamus, quoniam, vt vidimus, ratiocinatio quedam est, maxime referre videatur, vt à qua anime parte vis ratiocinandi prodeat, consideremus. Quamobrem sciendum est, quod a intelligibiles species ab intellectu, b sensibiles autem à communis sensu percipiuntur, & dijudicantur. Cum igitur intellectus species intelligit, & contemplatur intelligibiles, tum, c quasi erectus, & in se ipso manens illas intelligit, & contemplatur, simulq. d verus, atque contempliuus intellectus, e. & principium scientia dicitur. Si uero plures perceptas tum sensibiles, tum intelligibiles species, aut coniungi ad unum aliquid constituendum, aut disiungi, & si ratiocinari oportet, si quod certe haudquaquam fieri potest, nisi sensibilis, seu accidentis species cum intelligibili, siue cum substantia specie copulanda sit, quādoquidem f duas diuersas substantiarum species coniungi minime licet, & tunc quidem ad id efficiendum necessaria est operatio intellectus,

ctus, qui, quasi ḡ seſe inflectēs, & quodam modo cum com-
 muni ſenſu conſocians ſuam communiceſt vim, ac facul-
 tatem, ex qua inflexione, & conſociatione ille conſi-
 ſtit intellectus, quo ex necessariis ratiocinando ad omnem
 noſtrum uſum ſcientias acquirimus, & comparamus. At, ſi
 communis ſenſus ſpecies ſenſibiles, non ut cognoscat,
 ſolum, ſed h̄ etiam, ut earum percipiat iucunditatem, aut h̄
 trilitiam, ſive quatenus illarum res vel prodeſſe, vel ob-
 eſſe poſſunt, comprehendit, & vnam itidem cum altera
 conſerre, aut iungere, diſiungeréue opus eſt, tunc etiam,
 (quoniam ſenſus aetio eſt duntaxat i apprehendere ſenſi-
 bilem ſpeciem, aut, ut cognoscat ſolum, aut ut percipiat ſi-
 mul illius vel delectationem, vel moleſtiam,) neceſſario
 k̄ intellectus ſe de mittere, & ad i pſum communem ſen-
 ſum applicare debet. Ex qua demiſſione, & applicatio-
 ne intellectus exoritur practicus, quo aetiones noſtrarū in-
 ſtituimus, atque dirigimus. Si autem idem communis ſenſus
 non ſenſibilium ſpecies, l̄ ſed qualitates quafdam ex-
 traneas, & affectiones cognosceret, & ex eiusmodi qua-
 litatum, & affectionum cognitione aliquid aliud in i pſis
 ſenſibilibus coniiciendo aſſequi vellet, nihilominus ei etia
 adhibenda eſſet intellectus ſocietas, m̄ qua ſocietate ſta-
 tim opinionis natura paritur, atq; conſtituitur. His igitur
 omnibus certiſſimum, planiſſimumq. eſt omnem vim, ac
 facultatem n̄ coniungendi, & diſiungendi ea, quae animo
 comprehenſa tenemus, atque ratiocinandi ab intellectu
 proficiſci. Itaque, ut ad rem propositā & animum, & ora-
 tionem noſtrā reuocemus, reminiſcentiam eſſe ex me-
 moriis, & ex alia annexa cognitione inuenitionem cuius-
 piam rei accepimus. Sed, quia per memorias phantasma ſolum,
 quæ ſunt, ut ſæpius dictum eſt, ſenſibiles ſpecies,
 percipimus, & ex vna memoria, tanquam ex reminiſcētiæ
 principio reliqua deinceps reminiſcendo cōprehendimus,

3. daīte. 9. 10.
11.3. de aīa. t. 12.
29. 33. 34.

3. de aīa. t. 12.

3. de aīa. t. 33
34. 49.lib. de motu
animaliū : t.
Eph. 14:1
3. de aīa. t. 391. poſt. t. 195.
196.

2. d̄ aīa t. 137

n
3. de aīa. t. 21.
22.

congruere maxime videtur, ut similiter reliqua omnia, quæ sunt post illam primam memoriam in reminiscencia, per sua phantasmata cognoscantur. Et id quidem minime dubium esse debet, tum quia philosophus ita oportere esse ostendit, tum quia reminiscencia neque scientia est, quæ ex causis, vel ex effectibus constituitur, neque principium scientiæ, in quibus solis species intelligibiles apprehenduntur. Quamobrem, et si memoria, & reminiscencia in re, quæ illarum cognitioni ad proprium obeundum munus subiicitur, inter se conueniunt, (utriq; enim earum phantasmata sunt ad cognoscendum subiecta, & ideo quæcunque memoria comprehenduntur, eadem & reminiscencia, & rursus quæcunque reminiscencia, illa ipsa etiam memoria post aliquantum temporis comprehendi possunt,) tamen differunt, quod memoria est simplex phantasmatis apprehensio, tamquam propria communis sensus operatio, reminiscencia autem est multiplicium cognitionum connexionio, & ratiocinatio quedam, quæ certe sine intellectus functione praestari nullo modo potest. Cum igitur alia sit causa efficiens memoriarum, & alia efficiens reminiscenciae, & cognoscendi ratio, quæ in illis diuersa est, sit, tanquam cognitionis forma, iure optimo, quamvis in re ad cognoscendum subiecta inter se conueniant, tamen aliud memoria, aliud reminiscencia esse hoc modo dicitur.

1. post. 197.
198. 199.
1. Ædia t. 17.
6. p. phiz. t. 2
13. p. phiz. c. 3

ARISTOTELES.

SUNT autem & qui superas corporis partes maiores habent, & qui nanorum statura constant, minus memoria ualentibus, quam, qui contra se habent, propterea quod multam habent grauitatem super sensitivo, & neque à principio possunt motus

tus permanere, sed dissoluuntur, neque in reminiscendo recta meant. Paruuli autem admodum pueri, & valde senes immemores sunt propter motū. Hi enim in decretione, illi autem in accretione multa versantur. Præterea autem pueri etiam instar nanorum sunt, vsque ad magnam ætatis partem. De memoria igitur, & de eo, quod est meminisse, quæ natura ipsorum, & quanam particularū animæ animalia meminerunt, & de eo, quod est reminisci, quid est, & quo modo fit, & quam ob causam, dictum est.

E C P H R A S I S XVII.

QUAM QVAM omnia, quæ ad perfectam, absolutamq. memoriar, & reminiscientiar doctrinam attinent, tradita iam, & explanata sint, vnum tamen, quod eodem etiam spectat, minime tacitum esse relinquendum existimari oportet. Illud autem est, quòd genus quoddam inuenitur hominum, qui multo minus, quam reliqui, memoriar, ac reminiscientiar ui, & facultate pollere uidentur. Qui igitur tales sint, & qua de causa ita sint, breuiter demonstrare nunc maxime decet. Itaque, & quibus superæ corporis partes, ^a quæ à capite vsque ad locum, quo reliquiae cibi eiiciuntur, thorace continentur, maiores sunt, quam, quæ infra habentur, atque illas superæ sustinent, ac ferunt, & quibus statura similis nanorum est, eos utrosq; esse longe minus aptos, minusq. idoneos ad uim memoriar, ac reminiscientiar obtainendam, quam, quorum partes corporis contra, & melius quidem natura dispositar, & constitutæ sunt,

explo-

^a
4. de partib.
aliu. c. 10.

exploratissimum etiam ex vsu ipso habere possumus. In vtrisque enim eiusmodi hominibus locus cordis, ^b in quo & communis sensus, & ratio viget, tam magna mole, ac grauitate obrutus, atq; oppressus est, vt neq; sensus suum sentiendi, neque ratio ratiocinandi munus libere, & expedite obire, & exequi possit. Atq; ob talem oppressionem nequaquam phantasmatum impressiones ab initio confistere, ac permanere queunt, sed ab illo statim pondere dissipantur, & dissoluuntur; neq; propterea, dum reminisci-mur, motus tum memoriarum, tum aliarum notionum, quas in reminiscentia connecti opus est, quia non manent, ac durant, vsque ad reminiscenti finem progrediuntur facile, atque perueniunt. In istorum etiam numerum referendi ferè videntur & pueri admodum parui, & homines planè senes: vtrique enim propter nimium, quo assidue cipientur, & agitantur, motum expertes propemodnm memoriae, & sic etiam reminiscentiae sunt. ^c Nam senes præcipiti quadam decretione deficiunt, pueri autem celeri accretione augescunt. Accedit præterea etiam, quòd pueri magna & tatis puerilis parte nanis, quibus uis memoriæ abest, ^d persimiles sunt. Quod igitur à principio propositū fuit, hactenus tractatum, & explicatum est. Primum enim, quid memoria, & quid meminisse sit, & qua animæ parte animalia meminerunt, deinde quid item reminiscentia sit, & quid reminisci, & quo modo, & qua de causa fiat, omnino demonstratum est.

F I N I S.



^b
2. de partib.
aialiu. c. 1.
3. de partib.
aialiu. c. 3. 10
4. de partib.
aialiu. c. 10.
2. de gener.
aialium. c. 4.
lib. de iuuen-
tute, & sene-
citate. c. 1.

^c
lib. de respi.
c. 14. 15.

^d
4. de partib.
aialiu. c. 10.

¶ A B C D E F G H I K.

Omnis duerniones.

Annuentibus Magistratibus.

BONONIAE, Typis Alexandri Benacij.

M D L X V I I.

ХАССИЕПИК

Омъръчнъкъ




БОННУСТИЛЛЕ М

UB WIEN



+AM374033509



www.books2ebooks.eu